


金石萃編

卷九之十二  
漢



第三冊




TIFFEN Color Control Patches

© The Tiffen Company, 2007









金石萃編卷九

賜進士出身

漢五

誥授光祿大夫刑部右侍郎加



孔謙碣

碣高二尺六寸廣一尺七寸八  
行行十字今在曲阜縣孔廟

孔謙字德讓者宣尼公廿世孫都尉君之

子也多體蕭石自然之姿長膺清妙孝友

之行禮述家業脩睿秋經升堂誦讀浹究

聖指弱冠而仕歷郡諸曹史年卅四永興

二年七月遭疾不祿



右漢孔德讓碑永興孝桓帝年號也其人早卒無事蹟可考余集錄所藏孔林中漢碑最後得此遂無遺者蓋以其文字簡少無事實故世人遺而不取獨余家有之也

集古錄

右孔謙碣其名不甚可辨考孔氏譜得之所謂都尉君者太山都尉宙也孔融別傳云宙有七子融之次第六載於譜錄者惟有謙褒融三人褒之名見史晨

碑

隸釋

右孔謙碣甚小一穿微偏左有暈一重起於穿中復有兩暈在右其一甚短與它碑小異文八行行十字

後餘兩行

隸續

東漢孔君碑及孔德讓碑皆在孔林中孔君孔子十九代孫名震官至河東太守德讓孔子二十世孫都尉君宙之子名謙德讓其字也歷郡諸曹吏宙震之

弟

彭大翼山堂肆考

碑云禮述家業脩春秋經此宙之第六子也愚已補載其爵氏於經義考承師門孔褒一條之後矣然据其文曰脩春秋經則德讓必自有纂輯之書未可概以嚴彭祖之師法泥之也長膺清下洪作妙按古無妙字或書爲眇然此石本今尚可見止一少字居



中其左竝無女目等字之偏傍或當日省作少卽是  
眇字乎若直釋爲女旁之妙則非也

兩漢金石記

碣文今益漫漶所存字少有完者惟後文年卅四顯

據今集古錄訛卅作廿又脫四字洪氏亦訛卅作廿

傳刻之過也流俗人謂此碣爲孔宏蓋失檢爾

授堂金石

跋

### 孔君墓碣

碣高三尺八寸廣二尺八行行十五字額題孔君之墓四字篆書今在曲阜縣孔廟

□ 永壽元年 未青龍

□ 孔子十九世孫 君 好學

□ 履方約身

德施州里朝廷

史兼行相事所在

豐哀 吉安者

芬刊石建 未後 字

此

右漢孔君碣在孔子墓林中其額題孔君之墓文已

殘闕其前云元年乙未而元年上闕二字按東漢自

建武以後惟桓帝永壽元年歲次乙未其他有三乙

未皆非元年然則此碣所闕二字當爲永壽也

金石錄



右碑乾隆癸丑暮春錢唐何夢華元錫得於聖林牆外移置廟內別立碑以識其處元爲記之文中可辨者五十二字孔君名字無存惟云孔子十九世孫當是孔宙孔彪兄弟行也此碣規式異於諸碑自趙氏金石錄已云漫滅況又閱數百年宜其存字無多也

山左金石志

按是碣自趙氏以後無著錄者文多漫漶然其世系仕履略可考見云孔子十九世孫則卽孔麟孔宙之兄弟也百官志五官掾署功曹及諸曹事又皇子封王其郡爲國每置相一人相如太守有長

史如郡丞此云五官掾守長史兼行相事則孔君由五官掾爲長史兼行相事蓋曾仕王國而不能詳其爲何王矣韓勅碑有魯相平行長史事與孔君以長史行相事者不同漢官兼攝之制蓋如此

韓勅造孔廟禮器碑

碑高七尺一寸廣三尺二寸十六行行三十六字今在曲阜縣孔廟

惟永壽二丰青龍在君歎霜月以靈皇極之曰魯相河南京韓君追惟大古華胥生皇雝顏口育口寶俱制元道百王不改孔子近聖爲漢定道自天王以下至于初學



莫不駘思嘆印師鏡顏氏聖甥家居魯親  
里并官聖妃在安樂里聖族之親禮所宜  
異復顏氏并官氏邑中繇鼓以尊孔子念  
聖虛世禮樂陵遲秦項佗亂不尊圖書倍  
道畔德離敗聖輿食糧亡于沙丘君於是  
造立禮器樂以音符鍾磬琴鼓雷洗觴觚  
屬鹿祖桓遵板禁壺甬飾宅廟更佗二輿  
朝車威熹宣抒廟諱汙以注水汜法舊不煩  
備所不奢上合紫臺稽之中和下合聖制  
爭得禮儀於是四方土仁聞君風耀敬咏

其德尊琦大人之意復彊之思乃共立表  
石紀傳億載其文曰

皇黼統華骨承天畫卦顏育空桑孔制元  
孝俱祖紫宮大一所授前鑿九頭以升言  
教後制百王獲麟來吐制不空佗承天之  
語乾元以來三九之載八皇三代至孔乃  
備聖人不世期五百載三陽吐圖二陰出  
識制佗之義以俟知奧於穆韓君獨見天  
意復聖二族連越絕思循造禮樂胡輦器  
用李古舊宇愍慙宅廟朝車威熹出誠造



口漆不水解工不爭賈深除廟諱汙水通口  
注禮器升堂天雨降澍百姓訢和舉國蒙  
慶神靈祐誠竭敬以報天與厥福永享年  
壽上極華紫翳及皇代刊石表銘與乾運  
耀長期蕩蕩於盛復獲赫赫曰窮聲垂億  
載

韓明府名勅字祐節 穎川長社王廟諱君

具二百 河東大陽西門儉元節二百

或涿郡太守魯庶次公五千 故會稽大

守魯傅世起千 故樂安相魯庶季公千

故從事魯張嵩眇高五百 相王簿魯

薛陶元方三百 相史魯周乾伯德三百

碑陰

共三列每  
列十七行

西成集王景二百 遺西陽樂張普仲堅口百

河南成宰蘇漢明二百 其人處土

河南雒陽种亮奉高五百

故宛州從事任斌呂育季華三千

故下邳令東平陸王褒文博千

故潁陽令文陽鮑宮元威千



河南雒陽李申伯百

趙國邯鄲宋瑱元世二百

彭城廣成姜尋子長二百

平原樂陵朱蓋敬公二百

平原濕陰馬璿元真二百

彭城麟治世平二百

泰山鮑丹漢公二百

京兆劉安初二百 故薛令河內濫朱巖伯珍五百

下邳周宣光二百 故豫州從事蕃加進子高千

河間東州齊伯宣二百

陳國苦窳崇伯宗二百

潁川長社王季孟三百

汝南宋公國陳漢方二百

山陽南平陽陳漢甫二百

任城甫君舉二百

任城王子松二百

任城謝伯威二百

任城高伯世二百

相王薄薛曹訪濟興三百

相中賊史薛窳韶興公二百



薛弓奉高二百

相史下呂松口遠百

駙韋伯卿二百

處士魯劉靜子著千

故從事魯王陵少初二百

故督郵魯開輝景高二百

魯曹攄初孫二百

魯劉元達二百

故督郵魯趙輝產臺二百

郎中魯孔宙季將千

御史魯孔翊元世千

大尉掾魯孔凱仲弟千

魯孔曜仲睢二百魯孔儀甫二百

處士魯孔方廣率千

魯孔巡伯男二百文陽蔣元道二百

魯孔憲仲則百文陽王逸文豫二百

尚書侍郎魯孔震元上三千

魯孔汎漢光二百南陽宛張光仲孝二百

守廟百石魯孔恢聖文千

襄成侯魯孔建壽千河南雒陽王敬子慎二百



故從事魯孔樹君德千

魯孔朝升高二百 魯石子重二百

行義掾魯弓如村都二百

魯劉仲俊二百 北海掾袁隆展世百

魯夏侯廬頭二百 魯周房伯臺百

碑右側

共四列每  
列四行

山陽瑕丘九百元臺三百

齊國廣張建平二百其人處土

上黨長子楊萬子三百

處土魯孔徵子舉二百

魯徐伯賢二百

魯劉聖長二百

河南偃師骨鄰通國三百

河南平陰樊文高二百

河東臨汾敬信直千

河南雒陽左村虞二百

東郡武陽董元厚二百

東郡武陽桓仲豫二百

泰山鉅平車仲元二百

蕃王狼子二百



泰山費淳于隨季遺二百  
故安德侯相彭城劉虜伯季五百  
故平陵令魯蕙燮元世五百  
碑左側

共三列每  
列四行

東海傅河東臨汾敬謙字季松千  
時令漢中南鄭趙宜字子睢  
故丞魏令河南京丁璫射舉五百  
左尉北海劉趙福字仁直五百  
右尉九江浚道唐安季興五百

司徒掾魯巢壽文后三百  
河南夏帥度徵漢賢二百  
南陽平氏王自子允二百  
相守史薛王芳伯道三百 魯孔建壽二百  
相行義史文賜公百輝世平百  
魯傅亮子豫二百任城亢父治真百  
魯孫股三百魯孔昭射祖百元廬城子二百

碑云永壽二年青龍在涪灘霜月之靈皇極之日永  
壽桓帝年號也按爾雅云歲在申曰涪漱桓帝永興  
三年正月戊申大赦改元永壽明年丙申曰歲在涪



漱是矣云霜月之靈皇極之日莫曉其義疑是九月

五日韓明府者名勅字叔節前世見於史傳未有名

勅者豈自余學之不博乎集古錄

碑云爵鹿粗桓邊杖禁嘉脩飭宅廟更造二輿所謂

鹿者禮圖不載莫知為何器又據字書杖木皮可為

索嘉陳樂也亦非器名皆不可曉故并著其語以俟

知者余後見復陽陳氏所藏古彝為伏鹿之形近歲

而名之耳  
青州獲一器亦全為鹿形疑所謂鹿者因其形

右魯相韓勅造孔廟禮器碑無額其文雜用讖緯不

可盡通呂氏春秋云有仇氏女採得嬰兒於空桑是

為伊尹蓋托之神物與履拇吞虬同或曰空桑地名

也此云聖母顏氏育於空桑不經之甚君歎者以歎

為漱也聖妃者以妃為配也雷洗觴觚爵鹿粗桓邊

杖禁壺者以雷為鼎以粗為俎也古爵三足而兩柱

前若囑後若尾有爵之象趙曰青州近獲一器全為

鹿形此所謂鹿豈非肖其形因以名之乎說文木豆

謂之桓桓音几木名也皮可為索禮器曰大夫士櫨

禁注云禁如今之方案儀禮鄉飲酒禮戶間斯禁設

筐于禁南注禁切地無足者壺與上下文符觚與汗

協韻當是壺字也胡輦者瑚璉也碑以伎為暨監音



漆字 右韓勅碑陰六十有二人不稱字者一人不稱

名者二十一人漢人題名必書名字否則各有說也

楊震碑陰孫定博諸人不名者非其門生也逢盛碑

陰崔孟祖數人不名乃其父黨也題名於韓勅碑左

凡八人魯之二庶一傅不名者別守相之尊也張納

碑陰主簿白文已下不稱字者示其異於從事季元

也史晨後碑五官掾孔暢六人不稱字者亦示其卑

於長史李謙也孔僖傳云永元四年徙封孔損為褒

亭侯損卒子曜嗣曜卒子完嗣此碑有孔曜仲雅則

永壽時曜尚未襲封所謂褒成侯建壽當是孔損之

字傳作褒亭其說在孔僖碑自永元四年至永壽二年亦六十五

年矣題名中孔族凡十四人有譜可考者曜及郎中

宙御史翊侍郎彪皆孔子十九世孫也建壽爵齒俱

尊而在子姓之間宜其不名餘人雖不見爵秩當亦

是一時耆老獨曲成侯王嵩一人不稱字豈爵雖襲

而年尚穉者乎蘇漢明者已鑄而續書故以其人處

士識于下張普朱熊五人書體不同蓋後人所增者

隸釋

韓明府名勅字叔節歐陽永叔謂書傳無以勅命名者秦制天子之命為勅漢用秦法臣下不敢以勅名



考之字書勅字從束誠也古者以勞賚爲勅勅爲賚音其文爲徠別體當南齊時有劉勅爲始興內史則古人名勅何世無之往昔文嘉謨作縣樓架勅書於昌樂榜爲勅書蜀中縣多作勅者說文勅音策馬箠也勅音奇木別生也嘉謨勛之子勛有書名其子不能考古如此

廣川書跋

右漢魯相韓勅造孔廟禮器碑說者謂其文雜用讖緯不可盡通余觀東漢自光武以赤伏符卽位篤好圖讖臣下則而效之流弊浸廣至漢末而其說尤熾見之金石者不特此碑然也帝堯碑云堯遊於元河

之上有龍授圖堯乃受命成陽靈臺碑云堯母慶都遊觀河濱感赤龍交而生堯魯相史晨孔廟碑云孔子乾坤所挺西狩獲麟爲漢制作皆怪誕恍惚不經

之甚

金薤琳瑯

射禮有鹿中高一尺五寸爲鹿形背設圓筓以納筓筓射畢以釋之器也又有乏如屏風所以爲獲者御矢恐卽朽也其有木旁正猶俎豆之爲俎桓也

錢穀校金

石錄記

歐陽永叔謂書傳無以勅命名者秦制天子之命稱勅漢用秦法當時臣下豈敢以勅自名者是以勅爲



金石錄卷九  
救也詳廣川書跋第意有未明余更著之韓明府自  
名勅從力來聲音賚勞也亦作徠徠來荅勸曰勞撫  
至曰勅示有節也故字叔節以勅爲救譌也救從支  
束聲誠也支小擊也又有束縛之義故爲救命之救  
又支旁加束音策馬箠也束讀若刺又救從支束聲  
音其木別生也支持也與支異四字易淆故詳著之

金石  
史

闕里孔子廟廷漢魯相韓勅叔節建碑二前碑紀造  
禮器後碑以志修廟謁墓碑陰兩側均有題名思夫  
孔子旣沒褒崇之典歷代有之世本王侯大夫莫不

有宗譜族牒聖人之後獨無聞焉厥後仙源宗子珍  
扈宋南渡金源立別子爲祖嘉熙雖仍錫文遠以爵  
而授之田里俾居三衢宋之亡也忽焉元人思復立  
大宗而宗子辭不受能以禮讓是人之所難也以余  
所見明嘉靖中孔門僉載一書先聖六十一代孫承  
德郎魯府審理正宏幹所撰有世表有宗系圖其於  
三衢一支棄而不錄莫系世辨昭穆者宜如是乎可  
爲長太息也矣勅前後碑陰載孔氏苗裔有褒成損  
建壽御史翊元世東海郎中訢定伯豫州從事方廣  
平故從事樹君德朝升高守廟百石卒史恢聖文文



學百石芝德英故督郵承伯序賴元夏進幼達相史  
誦仲助術子佑贊元賓曜仲雅遵公孫旭連壽番安  
世太尉掾凱仲悌處士微子舉巡百男憲仲則汎漢  
光凡二十三人而後碑稱碑是孔從事所立殆方也  
伏念聖人之後有賢子孫改修闕里志孔門僉載則  
宗子支子之流派及書各史冊碑碣者具書之惟非  
其族必去非聖人之言必削之庶乎其可已  
曝書亭集  
歐陽公云前世見于史傳未有名勅者予觀繁陽令  
楊君碑陰有故民程勅字伯嚴則漢時不獨韓明府  
名勅也勅字本音徠去聲今按二君之字皆作飭字

解金石  
後錄

此碑所用字古奧尤多今考訂一一詳之曰莫不驥  
思驥音驥集韻通作驥曰歎印師鍾印即仰華山廣  
碑日月星辰所昭印也老子銘印其生平劉熊碑莫  
不師印鄭固碑印號焉告詩瞻印昊天史記帝紀印  
而射之西漢刑法志天下所印皆同仰也曰顏氏聖  
舅家居魯親里并官聖妃在安樂里乃啟聖公夫人  
顏氏宣聖夫人并官氏所居之地也闕里志云歷年  
久遠二里之名雖存而地不可考矣家語云孔子年  
十九娶于宋之开官氏六十六歲夫人开官氏卒曰



邑中繇發金薤琳瑯闕繇字碑文現存曰食糧亡于沙邱闕里志云秦始皇發孔子墓既啟見冢上刻文云秦始皇何強梁開吾戶據吾牀飲吾漿唾吾堂飡吾飯以爲糧張吾弓射東牆前至沙邱當滅亡蓋用其語也曰尊琦大人琦卓犖貌曰連鹽之思連音綽說文遠也鹽卽彌久也成陽靈臺碑廣漢長王君石路碑防東尉司馬季德碑俱作鹽言諸君美韓明府造立禮器欲爲文立石垂示久遠也其文以四言爲句而首句獨五言加皇字于上高出碑文一字曰皇戲統華胥子謂於皇字下著一歎美之辭孫庶常

愷似修幸魯盛典載此碑以戲作義謂伏羲承天畫卦而啟孔氏之制作其說是也金薤琳瑯云皇字下闕一字今碑戲字現存曰前闕九頭闕卽開梁相孔耽祠碑祝睦後碑俱有此字曰以升言教升漢隸字源收入四十五厚作斗白石神君碑粟升五錢升字亦如此寫曰以俟知奧金薤琳瑯知字下闕一字今碑奧字現存趙子岫以都楊二公錄闕七字喜得戲奧二字遂載于跋語予所錄亦同趙本何都楊二公反不及見也曰胡輦器用以輦作連連上聲二字之音本同張爾公云漢隸孔廟碑作胡輦非駁議而無



所援據恐漢人未受也曰上不爭賈賈價也曰永享  
牟壽牟眉字之通也曰旁伎皇代予觀碑文伎似及  
字而漢隸字源收作伎又收作暨暨字之義爲長也  
慨自漢末崇尚讖緯文中如霜月之靈皇極之日華  
胥生皇上合紫臺俱祖紫宮太乙所授前闕九頭三  
陽吐圖二陰出讖等語皆本於緯書獨是韓君叔節  
志存聖道造立禮器其爲樂之屬有四祭之屬十有  
二準之于今雖略而未備然自君初始至今享祀千  
載不墜爲功猶多今廟中之有編鐘編磬應鼓雅瑟  
頌瑟其卽韓君當時所製乎何遂無簫笛瑟笙祝啟

填篋之類也而觴觚爵鹿皆酒器罍者酒器亦盥酒  
器洗則承水器榼籩之薦水上之品榘進肉之器嘉  
者次于尊彝今皆具存廟中至所謂杞禁二器則無  
之杞音几博雅盪盃也集韻或作盪盃禁是陳酒尊  
之器酒必有禁禁以承尊名禁者曰爲酒戒也二器  
之爲用韓君旣設于廟不知何時竟廢而不傳耶前  
漢書罍尊作鬮籥文也碑書罍爲雷從籥文壽字寫  
法下從世而上似告亦奇并官氏并字上作二點後  
碑陰魯开輝無二點祖榼字用木旁皆字體之變者

金石遺  
文錄



魯相韓勅修造孔廟禮器所立今謂之禮器碑集古錄作修孔子廟器表金石錄作韓明府孔子廟碑天下碑錄作魯相韓勅復顏氏繇發碑按碑云復顏氏并官氏邑中繇發以尊孔心發屬下句讀且所復者尚有并官氏而此碑又不為復繇所立碑錄非也顧藹吉隸辨

皇極之日洪範五皇極五日為皇極日也洪容齋隨筆謂月之五日皆可稱端午亦皇極之義也 范史百官志王國每置傅一人相一人光武建武二年封北海靖王興為魯王此魯之所以有丞相也漢初其

官職傅為太傅相為丞相至景帝時吳楚七國反遂改丞相但曰相太傅但曰傅此魯之所以不稱丞相而但曰相也 并官氏聖妃按家語孔子年十九娶于宋之元官氏本注元古其字又姓也或誤作开碑書作并隸法小變耳隸辨以為家語作并官氏與此碑同而以作开者為誤今家語正作开以并為正者隸辨誤耳聖妃者隸釋云以妃為配按古者妃為女子通稱漢曹全碑大女桃斐斐即妃字魏書刑法志河陰縣民張智壽妹容妃則知妃字正不必讀作配也 按开字雖隸法有變不應書作并字今家語亦



正作并姓譜列并官氏于去聲敬韻引先賢傳亦正  
作并官氏至元官二字各書俱無可考惟字典載之  
亦不言出何書碑陰有并輝其人者并不作并 復  
顏氏并官氏里中繇發以尊孔心鄭芷畦云繇本作  
徭史記高祖嘗繇咸陽應劭注繇役也發者禮王制  
有發則大司徒敎士以軍甲疏謂軍旅以發士卒也

胡輦器用隸釋云胡輦者瑚璉也周禮大司徒鄉  
師大軍旅會同正治其徒役與其輦輦注夏后氏二  
十人而輦殷十八人而輦周十五人而輦故書輦作  
連鄭司農云連讀爲輦禮記明堂位夏后氏之四連

釋文連本又作璉連璉輦三字古通用 勅說文勞  
也從力來洛代切敕誠也重地曰敕從文束讀作恥  
力切兩字本不相通然經典相承皆以勅爲敕易噬  
嗑先王以明罰勅法書皋陶謨勅我五典益稷勅天  
之命康誥惟民其勅懋和多士勅殷命終于帝詩楚  
茨旣匡旣勅皆以勅爲敕隸辨云敕者上命下之辭  
自漢以來官長行之掾屬祖父行之子孫皆曰敕漢  
史晨碑又勅瀆并復民漢書陳咸傳公移勅書而孫  
寶之告督郵范史多用勅字 鄭芷畦云涿郡太守  
樂安相之兄也省志志陵墓魯諸王墓下注云魯恭



王孫皆葬於此大墓二十餘石獸二石人三胸臆間  
篆刻曰漢樂安太守應君然則庶姓是魯恭王後也

魯傳說見前魯相下此魯傳世起當是魯人之姓  
傳名世起者非太傅之傳後左側魯傳克子豫乃是  
魯太傅其爵雖尊而無功於聖廟且出泉之次在後  
故列于左側也或以魯傳名號相同焉知此非太傅  
之傳按漢碑題名未有但書其爵而不著姓者此傳  
世起以是會稽太守故列碑前若果魯傳則其爵尊  
於會稽太守不當列於太守下矣 褒成侯猶今之  
衍聖公也為孔子後典主聖廟祀事范史孔僖傳世

祖建武十三年封孔志為褒成侯志卒子損嗣永元  
四年徙封褒亭侯損卒子曜嗣按孔和韓勅兩碑皆  
後永元六十餘年徙封已久不應猶仍故封今百石  
卒史碑載褒成侯四時來祠韓勅碑陰載褒成侯孔  
建壽仍而不改當由史誤又隸釋稱孔建壽即損之  
字按損以永元四年徙封即封時年少至永壽二年  
亦已老矣而子曜尚未襲封著於碑陰又曜既為損  
子不應子列父前碑陰宜不失書其為史誤的然無  
疑矣 左側首書北海傳敬謙以是師傅之尊故首  
列之且係北海郡官於魯為客也下即書令長丞尉



金石考續卷九  
以是本郡官長故尊之也按范史縣萬戶以上爲令  
不滿爲長丞各一人尉大縣二人小縣一人碑稱時  
令則大縣七丞一人碑書故丞魏令向嘗爲丞今遷  
魏令者也尉二人以是大縣故有左尉右尉也正與  
史書合 此碑題名者凡百有七人多書出泉之數  
唯韓明府及時令但列爵里名氏者韓明府功最大  
非僅出泉者所可竝故首揭而大書之時令掌魯一  
邑之政佐韓明府故亦不書出泉之數也 孔建壽  
與碑陰重見碑陰稱褒成侯此但書魯碑陰書出泉  
千此又書出泉二百豈旣出泉千而復出泉二百與

百石卒史碑宋張稚圭據圖經謂是鍾太尉書此  
碑兗州府志亦云出太尉手按魏志繇以太和四年  
卒上距永興元年尚七十八年距永壽二年亦七十  
四年計此時繇尚幼冲決無能書碑之理今之談漢  
碑者稍前必以歸之蔡邕稍後必以歸之鍾繇二碑  
正當蔡邕之時或以歸諸邕尚有可據而云鍾繇決  
無是理大段邕所書碑有據者唯鴻都石經繇所書  
碑有據者唯勸進受禪表餘皆無據不足信也已  
永興元年魯相平請爲聖廟置百石卒史到此遂有  
守廟百石孔恢一人然前所請置者孔和也曾未兩



年遠易孔恢不解何故

王澍虛舟  
題跋原

右漢魯相韓勅孔子廟碑天下碑錄題爲魯相復顏氏繇發碑集古錄隸釋題爲魯相修孔廟禮器碑皆得其一而遺其一不若金石錄但目爲韓明府孔子廟碑之爲該也家語孔子娶于宋并官氏萬姓統譜引先賢傳孔子娶并官氏并讀去聲皆與此碑同今闕里志誤作元俗讀如稽蓋形聲并誤矣乃或者不考反以作并者爲非謬甚趙氏云字書壹陳樂也非器名不可解按趙氏誤引說文豈字之訓說文豈陳樂立而上見也從中從豆中句切碑字作壹與

豈迥別兩側前第六人云相行義史文陽公百輝世平百恭壽先生跋云文陽公爲一人輝世平爲一人當是姓文名陽公或字陽公者非公侯之公也輝世平不著郡望當與文陽公同里并同官者故卽繫文陽公下予按此說非也漢書地理志後漢書郡國志汶陽屬魯國史晨後碑有文陽馬琮隸釋云以文陽爲汶陽此碑之陰書文陽者凡三人皆汶陽也此人亦隸籍汶陽公百其姓輝其名世平其字百乃所出泉數耳古複姓有公伯氏魯論有公伯寮伯與百蓋通用也若以文陽爲一人輝世平爲一人旣與前



後書法不類況文陽公既無郡望輝世平之郡望又何從知且姓氏書亦無輝姓也兩側後第一人云山陽瑕邱九百元臺三百先生跋云瑕邱乃地名非人名按范史屬山陽郡元臺亦當是山陽所屬之地子按此說亦誤元臺之爲地名既無可考且他碑陰亦從未有合一邑所出泉數而總記之者蓋九百非泉數亦人姓名也列子有九方皋唐有九嘉宋有九真明有九焯九姓歷歷可數元臺則其字也先生于此碑并陰及兩側考訂極詳此其小誤予特表而出之

金石存

碑云并官氏聖妃方綱謹按集韻增韻韻略諸書及唐林寶元和姓纂皆不收此姓惟宋鄧名世古今姓氏書辨證十四清內有并官複姓注引先賢傳孔子娶并官氏生伯魚近日顧南原隸辨吳山夫金石文存亦皆以并爲是方綱又於國學暨江寧府學見元明加封詔書碑皆書作并楷隸相證愈無可疑王虛舟乃以隸辨爲誤蓋未之考耳何義門曰孔子娶於并官氏自王伯厚姓氏急就篇及宋本東家雜記皆作并而正義中反從流俗作开若非宋本何以析疑張埴曰宋大中祥符元年鄆國夫人勅亦曰并官



氏 碑字別體洪釋尚未有盡者如廣韻驥同驥是但爲驥字訓耳若專訓驥字則直當引禮記正義希驥慕仰之義音義皆當主冀字不必主驥字也又如土仁處土之土皆是土字又以糧爲糧以苻爲符以穎爲穎以陟爲仲以云爲下以霽爲彪以畢爲皋以械爲戚皆假借通俗之漸也 虛舟先生於此碑考核不遺餘力然其開舛謬者不一而足如論人名一條云舊說謂東漢承王莽制人無二名按二名惟後漢書無之漢碑多有他不具論卽此一碑二名者便數十人可知前語無據方綱按此碑惟王嵩孫股二

稱名不稱字其餘如庶次公傳世起以下凡二字

者皆其字非其名也 碑側傳克子豫亦是姓傳名克字子豫而虛舟以爲太傅之官

亦 誤 又一條云右側惟蕃王狼子爲最尊然不以居首

而與安德侯相平陵令竝列然書特縱橫於碑陰爲

絕異中外賓主之辨始終秩然也方綱按此蓋誤讀

蕃王二字爲外國之王耳不知蕃是邑名王其姓也

碑陰中列第六行謝伯威二百第七行高伯世二

百此二行下有細隸書三行云熹平三年左馮翊池

陽項伯脩來凡十三字方綱以滁陽顧苓云美所藏

舊拓本審定得之從來著錄家所未見也 韓勅後



碑亦見於隸釋隸續而今竟不見其石子屬曲阜桂君再四訪覓弗獲也昔年金陵鄭汝器猶手拓其本以遺朱竹垞見於曝書亭集何至今數十年間乃湮晦不見斯亦異矣据隸續所錄碑陰末一行云永壽三年七月廿八日孔從事所立即碑陰人名內云故豫州從事魯孔方廣平五百者也按此與前碑陰內處士魯孔方廣率當是兩人率字今微露右半是以姑依洪氏作率字耳

兩漢金石記

引易云伏羲作十言之教曰乾坤震巽坎離艮兌消息碑蓋用其語上一句言贊易下二句言作春秋意正相對婁機顧藹吉皆釋什為斗文義殊難通矣自皇戲統華胥而下五十一句句皆四言獨皇戲句五言而皇特跳上一格書之不可解竊意此字後人妄加非本文也 右碑陰題名六十有二人兩側三十有二人碑之左方題名者八人有書名不書字者王嵩孫殷是也有書字不書名者庶次公蘇漢明是也有書名兼書字者西門儉元節种亮奉高是也有書名書字而又殊其例者敬謙字季松趙福字元直是



也郡縣兼書如潁川長社河南成翠之類碑之常例  
也有書縣不書郡者魯卞文陽蕃騶薛皆隸魯碑爲  
魯相立不必更書魯國也東平陸隸東平國非同郡  
而不書避重出也任城泰山彭城下邳京兆或不書  
縣者郡所治也若泰山之鉅平任城之亢父彭城之  
廣戚則郡縣仍兼書也惟曲成侯王嵩郡縣俱不書  
又例之變也碑有相行義史文陽公百輝世平百有  
山陽瑕邱九百元臺三百此公百九百乃複姓非出  
錢之數也何氏姓苑云昔岱縣人姓九百名里爲縣  
小吏而功曹姓萬縣中語曰九百小吏萬功曹是古  
有九百氏也廣韻公伯複姓有魯大夫公伯寮碑云  
公百以百爲伯也文陽卽汶陽後漢書王梁傳擊肥  
城文陽拔之注文音汶與此碑正同也碑陰有褒成  
侯孔建壽碑側又有孔建壽古人命字多相同非一  
人而再見也云守廟百石卽乙瑛碑所置百石卒史  
也不云卒史者省文猶稱太守曰二千石也洪氏隸  
釋有碑陰無兩側都元敬所藏搨本合碑左方碑陰  
兩側爲一元敬不能詳考妄譏洪之誤不知隸釋所  
載碑陰本無闕文也兩側題名不載於隸釋元敬自  
以意讀之舛謬殊甚如以河南偃師爲河浦退師任



金石錄卷九  
城亢父爲侯我交父皆大可笑也

潛研堂金石文跋尾

禮器碑霜月之靈說金石者不曉霜月爲何語予謂霜月者相月也爾雅說天篇七月爲相禮器碑顏

育空桑隸釋引伊尹生空桑以爲不經之甚予謂空桑者窮桑也左氏昭九年傳遂濟窮桑注窮桑少皞之號也窮桑地在魯北定四年封于少皞之虛注少皞虛曲阜也在魯城內顏母生于曲阜卽少昊之虛故稱空桑空窮古書通用洪譏其不經殆未考左傳

耳錢大昕十駕齋養新錄

碑云復顏氏并官氏邑中繇發以尊孔心按復讀如

瀆井復民之復免其賦役也禮記八十一子不從政九十家不從政鄭注復除之後漢書光武紀幸南陽復田租一歲父老願賜復十年王良傳詔復其子孫邑中徭役王沈魏書老耄須待養者年九十以上復不事家一人又云譙霸王之邦其復譙租稅二年魏志杜畿傳舉孝子貞婦順孫復其繇役魏略顏斐爲京兆聽吏民欲讀書者復其小徭江表傳樂從軍者一身行復除門戶吳志劉繇傳有好佛者聽受道復其他役呂蒙傳與守冢三百家復田五十頃陳武傳初表所受賜復人得二百家潘璋傳賜田宅復客五



十家宋書嚴世期傳復其身徭役南史梁武紀詔蘭陵縣修建二陵周回五里內居人賜復終身魏書太宗紀所過復一年田租碑蓋言復其終身且賜及邑里也尊卽奠字奠定也奠尊聲相近說文奠或從寸是形亦相近繇俗作徭說文作繇隨從也發謂調發管子大匡篇野爲原又多不發朱長春曰不發是大徭大役簡少其野多不發之眾樊毅復華下民租田口筭碑每被詔書調發無差新序魯君命有司無得徵發單父漢書嚴助傳是時征伐四夷開置邊郡軍旅數發兒寬傳後有軍發後漢書章彪傳賦發充常調而貪吏割其財續漢書劉寵爲會稽太守若耶溪父老送寵曰他時更發不已民或夜行狗吠竟夕人不得安王沈魏書不得擅興發北史和平二年詔自頃每因發調逼人假貸建德元年詔自今正調以外無妄徵發正始元年詔諸州蠲停徭役不得橫有徵發魏志王修傳自爲營塹不冑應發調英雄記張咨不應調發吳志孫堅傳術蹶即調發軍糧孫權傳至於發調者徒以天下未定事以眾濟略統傳每有徵發羸謹居家重累者先見輸送北史魏宣武紀詔諸州蠲停徭役不得橫有徵發晉陽秋劉宏爲荊州



刺史每有興發手書與郡國丁寧謹密故莫不感悅  
顛倒奔赴宋書沈攸之傳賦斂嚴苦徵發無度凡此  
皆繇發之事可為碑作證者也 碑云遵柝禁壹隸  
釋以柝為柝云音凡木名也皮可為索又釋禁字引  
禮器大夫士柝禁馥按柝即柝字玉篇柝几屬也廣  
韻柝無足尊也柝木名可為箭筈蓋隸體借柝為柝  
也太平御覽禁一名柝乙去切引三禮圖柝長四尺  
廣二尺四寸深五寸無足漆赤中青雲畫陵苕華飾  
禁長四尺廣二尺四寸通局足高三寸漆赤中青雲  
畫陵苕華飾刻鏤其足為褰帷之形據此則三禮圖

與玉篇几屬之訓相合禮器注云柝斯禁也謂之柝

者無足有似於柝或因名爾

孔疏柝是舉名故既夕禮云設柝于東堂

下注云柝今之舉也又注特牲云柝之制如今大木舉矣上有四周下無足今大夫斯禁亦無足似木舉之柝故周公制禮或因名此斯禁云柝耳大夫則斯禁士用柝禁如今方

案檜長局足高三寸馥謂如今方案者亦几屬也廣

韻以為無足尊者即禮器天子諸侯之尊廢禁也特

牲饋食禮壺柝禁饌于東序是則遵柝禁壹皆禮器

韓君所造者也洪氏知引柝禁而不識柝字蓋疏於

借體誤以柝字當之矣碑又云雷洗湯觚爵鹿祖桓

凡八器雷壘也禮記魯祀周公於太廟尊用犧象山



鼎是也湯觴也說文觶實曰觴又云觴受三升者謂之觶是也鹿角也漢角里先生一作祿亦作鹿鹿角聲相近儀禮主人洗角禮記舉罍角又云宗廟之祭尊者舉觶卑者舉角是也祖卽俎字皆借體也桂馥跋禮器碑瑚璉作胡輦按春秋傳曰胡簋之事明堂位曰夏后氏之四連易蹇之六四曰往蹇來連虞翻曰連輦也周禮鄉師輦輦注云故書輦作連先鄭云連讀爲輦巾車職云輦車組輓陸氏云輦本又作連音輦管子海王曰行服連輶輦漢書蓮勺孫如淳音輦酌則知連與輦音義皆同也莊子連字皆音輦說文

胡連字又作璉徐鉉云俗作璉則二字皆从玉旁俗所作也 禮文王世子大夫勤于朝卿士驥于邑孔穎達曰璉謂仰冀之也廣韻九利切集韻几利切汪照

古石  
琅玕

呂氏春秋本味篇有佻氏女破空桑而得伊尹其說頗近荒誕禮器碑有顏育空桑語隸釋引呂覽伊尹事爲證譏其不經釋按是碑多用識緯之文後漢書班固傳注引春秋演孔圖云孔子母徵在夢遊於大冢之陂黑帝使請已往夢與語曰女乳必於空桑之中覺則若有所感後生孔子於空桑之中碑云顏育



空桑卽其事也

錢繹小  
盧隨筆

按碑稱前閩九頭攷春秋元命包論十紀一曰九頭紀卽碑所本宋均注春秋命歷序九頭九人之路史前紀則云地皇氏逸于有人皇九男相像其身九章注云姓愷名胡洮字文生人面龍身九頭兩說各異宋說當近之碑又云制不空作承天之語亦本春秋緯演孔圖云聖人不空生必有制以顯天心邱爲木鐸制天下法是也碑末題名三行潁川長社以下八人皆有出錢之數當與碑陰所題六十二人兩側所題三十二人合計之竝是助錢

造器者姓名也朱君文藻嘗疑碑側姓名別是一  
次斂錢不與禮器同時之事蓋書體旣不相類而  
褒成侯孔建壽已見碑陰復入碑側其非一時之  
事明矣孔子之後爵褒成侯至永元四年徙封褒  
亭此碑立於永壽二年距徙封已五六十年而猶  
稱褒成殆文字之間不妨偶襲舊號耶御史孔翊  
元世或謂後漢書有孔昱傳昱亦字元世古人翊  
日多作昱日字本通用疑是一人然昱于靈帝時  
徵拜議郎補雒陽令以師喪棄官卒於家而碑於  
桓帝時已題御史且洪氏謂翊孔子十九世孫而



金石志續卷九  
三  
昱乃孔霸七世孫霸是十三世則昱當是二十世  
世次亦不合斷非一人也洪氏云蘇漢明已鐫而  
續書故以其人處士識于下然碑左側張建平下  
亦識其人處士四字豈亦續書者與碑又以士仁  
爲士人與金鄉長侯成碑同遠越爲卓越猶卓爾  
作遠壘也

又按讖緯之作其來已久隋經籍志云河圖雒書  
以紀易代之徵其理幽昧究極神道先王恐其惑  
人秘而不傳說者又云孔子既敘六經別立讖緯  
以遺來世其書出於前漢有河圖九篇雒書六篇

云自黃帝至周文王所受本文又別有三十篇云  
自周初至於孔子九聖之所增演以廣其意又有  
七經緯三十六篇並云孔子所作云云攷公羊子  
高受經於子夏其傳春秋多舍左傳而從春秋說  
文見於何休注者甚衆則其書傳自孔門弟子無  
疑其以爲出于漢初及起於西漢哀平之世者皆  
非也緯書中間有事涉迂繆及後世之事疑皆妄  
人附益而以之參驗六經殊足以資聞見故太史  
公撰五帝本紀于世本國語三傳之外兼采及之  
孟喜注易七日來復謂卦氣起中孚則用易緯稽



覽圖賈逵注左傳九邱稱孔子作春秋立素王之  
法則用春秋緯趙岐注孟子論尚書百二十篇則  
用春秋說題辭論命有三名則用孝經援神契許  
慎撰說文解字引孔子云推十合一爲土禾入水  
爲黍則用元命包引子欲居九夷從鳳嬉則用論  
語摘衰聖而鄭康成禮注詩箋二書取緯書以資  
發明者尤不勝舉且鄭于河圖易緯尚書緯尚書  
中候禮緯禮記默房並爲之注可見緯與經實相  
表裏不爲大儒所棄如此漢時且詔東平王蒼正  
五經章句皆命從讖朱氏彝尊謂終東漢之世以

通七緯者爲內學通五經者爲外學其見于范史  
者無論謝承後漢書稱姚浚尤明圖緯秘奧又稱  
姜肱博通五經兼明星緯載稽之碑碣於有道先  
生郭泰則云考覽六經探綜圖緯於太傅胡廣則  
云探孔子之房與子琅邪王傅蔡朗則云包洞典  
籍刊摘沉秘於中郎周繼則云總六經之要括河  
雒之機於大鴻臚李休則云旣綜七籍又精羣緯  
於國三老袁良則云親執經緯隳括在手於太尉  
楊震則云明河雒緯度窮神知變於山陽太守祝  
睦則云七典並立又云該洞七典探蹟窮神於成



陽令唐扶則云綜緯河雒咀嚙七經於酸棗令劉  
熊則云敦五經之緯圖兼古業覈其妙七業勃然  
而興於高陽令楊著則云窮七道之奧於邵陽令  
曹全則云甄極惑緯靡文不綜於藁長蔡湛則云  
少耽七典於從事武梁則云兼通河雒於冀州從  
事張表則云該覽羣緯靡不究窮於廣漢屬國都  
尉丁魴則云兼究秘緯於廣漢屬國侯李翊則云  
通經綜緯至于頌孔子之聖稱其鉤河摘雒蓋當  
時之論咸以內學爲重及昭烈卽位羣臣勸進廣  
引雒書孝經緯文蕭綺所云識辭煩於漢末不誣  
也昶案唐制四部圖籍甲部爲經其類有十九曰  
圖緯以紀六經讖候故唐儒撰羣經正義亦知遵  
信讖緯而藝文類聚北堂書鈔初學記白孔六帖  
諸類書徵引尤夥蓋自漢以來博古之士多喜習  
之卽有不能深信者亦未竟斥爲異端自歐陽氏  
有論九經請刪除正義中讖緯劄子而魏了翁作  
九經正義盡削去之自是厥後學者同聲附和而  
緯書遂致散佚僅有存者良可歎惜也夫讖緯中  
荒渺不經本所難免且其紀述兼及三代以上帝  
王受命發祥制作之事後人目不見上古之書無



從辨其是非輒生訾毀固無足怪然即緯書之文

證之六經亦無大異今試比而論之緯言伏羲氏

有天下龍馬負圖出于河尚書中候黃帝出游雒

水之上見大魚醮之魚流于海始得圖書河圖帝

蒼頡皇帝南巡元扈雒納之水靈龜負書以授之

河圖堯沈璧于河元龜負書止壇舜沈璧于清河

黃龍負圖出水並據禹長于地理水泉九州得括

地象尚書刑湯觀于雒沈璧而黑龜與之書中候

武王觀于雒沈璧禮畢青龍臨壇銜元甲之圖吐

之而去元龜負圖出雒周公援筆以時文寫之並

紀皆與易河出圖雒出書天垂象聖人則之書天

錫禹鴻範九疇之義合天人感應理固有之而云

伏羲德洽上下天應之以鳥獸文章地應之以龜

書乃作易禮含奎主文章蒼頡效象雒龜曜書丹

青垂萌畫字援神又與易論包犧畫卦取象天文

地理人倫鳥獸之語悉悉相符也緯言軒轅氏麟

麟在囿鳳皇來儀堯即政七年鳳皇止庭巢阿閣並

謹樹伯禹拜曰黃帝軒提象鳳皇巢阿閣舜

受終鳳皇儀黃龍感淮聽周公作樂而治冀莢

生中非即書擊石拊石鳳皇來儀國語鸞鷲鳴于



岐山禮記四靈為畜之事乎緯言禹授啓握元圭

刻曰延喜之玉受德天賜之佩尚書璇璣鈴非即禹錫

元圭之事乎緯言禹將受位天意大變迅風雷雨

以明將去虞而適夏樂稽非即書烈風雷雨天大

雷電以風之類乎緯言大節出雷澤華胥履之生

伏羲詩合神霧少典妃安登遊于華陽有神龍首感之

於常羊生神農元命包附寶出降大電生帝軒孝經鉤命

大節如虹下流華渚女節夢意感生朱宣元命包

瑤光之星如蜺貫日感女樞於幽房之宮生黑帝

顓頊河圖天大雷電有血流潤大石之中生堯母慶

都有赤龍負圖與慶都意感有娠生堯春秋合誠圖握

登見大虹意感生舜含神霧修己山行見流星意感

栗然生姒戎文禹尚書帝命驗扶始升高邱觀白虎上

有雲如虎之狀感已生皋陶元命包扶都見白氣貫

月感生黑帝湯太任夢長人感已生文王並含神霧即

詩天命元鳥降而生商履帝武敏歆之類而云堯

母萌之元雲入戶蛟龍守門易坤靈圖堯母蓂食不飢

常若有神隨之者合誠圖亦與后稷鳥覆翼之牛羊

腓字之事絕相似也緯言伏羲日角衡連珠援神契

黑帝修頸黃帝兌頤並論語摘輔象倉帝四目演孔圖軒轅



駢幹元命包帝譽駢齒河圖起堯眉八彩元命包舜目四

童演孔圖禹耳三漏鼻陶馬喙湯臂三肘並禮說伊尹

面赤色而髯春秋攷異邾文王四乳武王望羊周公背

僂並禮說非即左傳文公駢脅成公黑髻越椒蜂目

豺聲之類乎緯言神農生而能言五日而能行七

朝而齒具三歲而知稼穡般戲之事元命包附寶生

軒冒文曰黃帝子河圖起蒼帝生而能書元命包非即

左傳周靈王生而有髭魯夫人季友生有手文之

事乎緯言燧人四佐伏羲六佐黃帝七輔鳩輔即

論語春秋內外傳舜五人文王四友武王十亂之

類而風后天老五聖知命窺紀地典力墨七輔等

名學者以無經傳可證斥為偽托則書云朱虎熊

羆及斨伯與詩云皇父仲允番絜蹶橈諸臣亦不

見于經傳而從無人議之者又何說也緯言五嶽

吐精生聖人鉤命決非即詩惟嶽降神生甫及申之

事乎緯言堯受圖書已有稷名在籙中候苗興堯夢白

虎遺吾馬喙子舉泉陶為大理元命包文王夢田獲

熊而得太公望中候雜師謀赤雀銜丹書入節止昌再

拜稽首至於磻溪之水呂尚釣涯下王下趣拜曰

公望七年乃見光景於斯非即書高宗夢賚良弼



說築傅巖維肖之類乎緯言孔子夜夢芻兒捶麟

傷其前左足束薪而覆之孔子發薪下麟視之麟

蒙其耳吐書三卷孔子精而讀之援神契非即孔子

夢奠兩楹之類乎緯言顓頊氏有三子生而亡去

一為疫鬼一為虐鬼一為小鬼非即左傳實沈臺

駘為崇黃熊入于羽淵伯有為厲之類乎緯又言

太子發渡河中流火流為烏其色赤帝命驗中武候合符后

王得兵鈴謀東觀白魚入舟俯取魚以療璇璣按

赤烏白魚二事即今文秦誓之文具見史記古文

尚書既不足信將因緯書而并疑今文可乎且也

五帝之稱始于三禮而緯書詳五帝靈威仰赤熛

怒含樞紐白招拒汁光紀五名與爾雅所載青陽

朱明白藏元英諸目何異西王母之名始于爾雅

而緯書述西王母於大荒之國得益地圖獻之于

舜帝命驗正合四荒之義且與空同丹穴太平大蒙

諸國均無經文可證也緯又言天皇九翼河圖括

人皇九頭命曆序及穿胸儋耳之國論語撰從崑崙

以北九萬里得龍伯國人長三十丈以東得大秦

國人長十丈又以東十萬里得佻人國長三丈五

尺又以東十萬里得中秦國人長一丈河圖蚩尤



兄弟八十一人並獸身人語銅頭鐵額龍魚河圖北東

極有人長九寸含神霧北極下有一脚人玉版核之春

秋三傳僑如勞如兄弟佚宕中國及國語防風氏

骨節專車之說是上右遐陬奇怪之事亦聖賢所

樂道而爾雅記鰥鵠叩歷迭食迭望諸異亦皆當

時中國所無何以言之甚悉今比目魚海濱多有

之則其三者皆可確信既信比肩之民則穿胸僂

耳何獨疑之即其所言後世事如祖龍來天寶開

尚書考靈曜卯金刀名爲劉中國東南出荊州赤

河圖天靈演孔帝劉之秀九名之世帝行德封

刻政河圖合古篇廢昌帝立公孫河圖錄運法代赤眉者魏

公子春秋玉版識鬼在山禾女連言居東西有午兩日

並光日居下並易說此等語半出妄人傳會殊爲乖

誕然按左傳所引鸚鵡之謠傳自文成之世而已

知禍父宋父兩名即龍尾謠云虢公其奔取虢之

旂亦必非事後之語而傳載列國占筮爻辭凡數

十百年以後之事無不先有主名鑿鑿可數則禮

所云至誠之道必有前知見乎著龜動乎四體者

聖人亦嘗言之以爲必無其事豈盡然與凡此之

類皆後人痛詆緯書所執爲口實者不知其說皆



可與六經互證緯可疑經則斷不可疑也更有取

者緯言舜以太尉受號卽位為天子春秋運斗樞稷為

司馬刑德放可廣唐虞司空司徒虞士諸名以考三

代官制緯言禱請山川辭云方今天旱野無生稼

寡人當死百姓何依不敢煩民請命願撫萬民以

身塞無狀考異郵可見古人祭祀皆有祝辭禮記祭

坊水庸論語子路誅孔子卽其證也學者苟能擇

而從之是亦博聞之助安見好古苦晚耶至其論

天文日月五星變動之占及地理生物之殊異道

里之遠近顯者足配鴻範五行精者可以攷正歷

書地志之誤故蔡沈書集傳所稱周天三百六十

五度四分度之一卽考靈曜及雜書增耀度之文

黑道二去黃道北赤道二去黃道南白道二去黃

道西青道二去黃道東卽河圖帝覽嬉之文而朱

子注論語伏羲龍馬負圖注楚詞崑崙者地之中

也地下有八柱互相牽制名山大川孔穴相通並

河圖之文雜書四十五點邵子以來傳為秘鑰其

法出于太乙九宮實卽易緯乾鑿度之文是有宋

理學大儒亦不能盡棄其學而歐陽氏魏了翁輩

欲皆去之真所謂因噎而廢食矣漢時碑刻多用



識緯成文論金石者概譏其謬不知緯與經原無  
大異經所不盡政當以緯補之若以緯書荒渺則  
六經之言其似緯書所云曷可勝紀將盡刪之可  
乎朱氏說緯一篇至為精博而據譙敏碑語謂其  
學遠出譙氏京氏蓋非探原之論且不推本經義  
證明其說恐仍未能息羣喙也昶故復申其辨于  
此以祛淺見之惑

金石萃編卷九終

金石萃編卷十

賜進士出身 誥授光祿大夫刑部右侍郎加七級王昶撰

漢六

郎中鄭固碑

碑高六尺四寸廣三尺三寸十五行行二十九字額  
題漢故郎中鄭君之碑八字篆書今在濟寧州學

君諱固字伯堅著君元子也含中和之淑

貞履上仁口口口口孝友著乎闡門至行立

乎鄉黨初受業於歐陽遂窮究于典籍膺

游夏之文學襄冉季之政事弱冠仕郡吏

諸曹掾史主簿督郵五官掾功曹口口人則



腹心出則爪牙忠且衛上清且自脩犯顏

謇悍造昧危辭加且好成方類推賢達善

遠遁退讓當此服之邦后珍瑋且為

儲舉先屈計掾奉我口貢清眇冠乎羣彥

憲能簡于聖心延熹元丰二月十九日詔

拜郎中非與好也且疾錮辭未滿期限從

其本規乃邁凶愍丰世二其四月廿四日

遭命隕身痛如之何先是君大男孟子有

揚烏之寸善性形於岐嶷口口見於垂珪

丰七歲而夭大君夫人所共哀也故建

共墳配食斯壇且慰考妣之心琦瑋延且

為至憲不紀則鍾鼎奚銘昔妣口口武弟

述其兄綜口口口口行於象陋獸曷敢忘

乃刊石且於遺芳其辭曰

於惟郎中寔天生憲頤親誨弟虔恭竭力

敬我義方導我禮則傳宜孔業任並模式

從政事上忠且自勵貢計王庭華夏歸服

帝用嘉之顯拜殊特將從雕意色斯自得

乃遭家災隕命顛沛家去所怙國也忠直

俯哭誰訴叩號為告嗟嗟孟子苗而弗疏



奉我元兄脩孝罔極魂而有靈亦歆斯勒

右漢郎中鄭固碑文字磨滅其官闕卒葬年月皆莫

可考云延熹元年二月詔拜而不見其官惟其碑首

題云漢故郎中鄭君之碑以此知其官至郎中爾

中又有逡遁退讓之語遁當作循錮當作固疑漢人用

字多假借又疑以疾錮辭謂疾已堅固若云以疾篤辭覽者詳之

集古錄賈誼過秦論云九國之師遁巡而不敢進顏師古曰

遁音千旬反流俗書本巡字誤作逃讀者因之而為

逃遁之義潘岳西征賦云遁逃以奔竄斯亦誤矣今

此碑有云推賢達善逡遁退讓詳其文意亦是逡巡

之義然二字決非一音蓋古人用字與後世頗異又

多假借故時有難曉處不知顏氏何所據遂音遁為

逡乎金石錄

鄭君以曹掾事其郡將而云犯顏蹇諤造膝詭辭漢

人用事不拘礙如此秦紀引賈生云九國之師逡巡

遁逃而不敢進陳涉世家則刪逡巡二字班史又作

遁巡故顏師古讀遁為逡而詆潘岳用遁逃為非游

俠傳逡逡有退讓君子之風此云逡遁退讓蓋用史

記語歐讀遁為循趙又惑於顏注予謂皆當讀如本

字碑以愕為誇以僂為詭以錮為固以幙為模盾即質字獸即獨字早即曷字勛音愾隸釋



郎中鄭固碑其文有二逡遁退讓者逡巡之異文也  
 管子桓公楚然逡遁漢書平當傳贊逡遁有恥叙傳  
 逡遁致仕周禮司士注王揖之皆逡遁既復位儀禮  
 士昏禮大射禮公食大夫禮注辟逡遁鄉射禮注少  
 退少逡遁也聘禮注辟位逡遁又三退三逡遁也又  
 辟位逡遁又辟於其東而位逡遁也又退為大夫降  
 逡遁士喪禮注辟逡遁辟位也特牲饋食禮注辟位  
 逡遁禮記玉藻注俛逡遁而退著屨也皆同此文顏  
 之推匡謬正俗曰賈誼過秦論九國之師遁巡而不  
 敢進遁者蓋取循聲以為逡字當音七均切然余考

之古書亦多不同如晏子春秋有云晏子巡遁而對  
 有云晏子逡循對曰漢書萬章傳章逡循甚懼外戚  
 固讓皆以下字為循而此碑及漢書禮注又以遁為  
 巡又如莊子忠諫不聽蹲循勿爭靈樞經黃帝避席  
 遵循而却亢倉子荆君北而遵循稽首又逡循之異  
 文而王莽傳後儉隆紂以矯世俗師古曰後音千旬  
 反退也其字從彳則又逡之異文也楚辭九章思美人遷逡次而勿  
驅兮漢書公孫宏傳有功者上無功者下則羣臣逡皆作逡  
 邑令費鳳碑同而玉篇云斐必媚切女名此又後人  
 之解也 漢人書有遁甲開山圖雲麓漫鈔曰世傳



遁甲書甲既不可隱何名為遁因引此碑證為循甲  
 言以六甲循環推數也今按遁字古人以代巡字者  
 多當是巡甲太元經云巡乘六甲與斗相逢 此碑  
 上有一大孔漢碑多如此劉熙釋名碑被也此本王  
 莽時所設也施轆轤以繩被其上以引棺也臣子追  
 述君父之功美以書其上後人因焉故建於道陌之  
 頭顯見之處名其文就謂之碑也此後漢時人所見  
 云爾不知周時固有碑矣檀弓公室視豐碑注云豐  
 碑斲大木為之形如石碑於椁前後四角樹之穿中  
 於間為鹿盧下棺以綽繞正義曰綽即紼也鑿去碑  
 中之木令空於空間著鹿

盧鹿盧兩頭各入碑木以紼之一頭繫棺緘以一頭  
 繞鹿盧既訖而入各背碑負紼末頭聽鼓聲以漸卻  
 行而喪大記君葬用輜四紼二碑大夫葬用二紼二

碑又曰凡封用紼去碑負引注云樹碑於壙之前後  
 以紼繞碑間之鹿盧輓棺而下之此時棺下窆使輓  
 者皆繫紼而繞要負引紼縱之備失脫也用紼去碑  
 者謂縱下之時也此劉熙所指葬時施鹿盧下棺之  
 碑也聘禮賓自碑內聽命又曰東面北上上當碑南  
 注云宮必有碑所以識日景引陰陽也凡碑引物者  
 宗廟則麗牲焉以取毛血其材宮廟以石窆用木祭  
 義君牽牲既入廟門麗於碑注云麗繫也謂牲入廟



繫著中庭碑也雜記宰夫北面於碑南東上此注家所指在宮廟之中一為賓揖之碑一為麗牲之碑者也碑之字本從石寔用本者取其便於事也其見於西漢人之書者淮南子盧敖見若士遯逃乎碑注曰匿于碑陰是也孫何碑解曰何始寓家於潁嘗適野見荀陳古碑數四皆穴其上若貫索之為者問故起居郎張公觀公曰此無足異也蓋漢去聖未遠猶有古豐碑之象耳後之碑則不然矣予見漢碑皆高不過今之三尺餘可用以麗牲以木為之可用以引棺今既失其穿中之制而碑之高大乃無限度與古人

之碑名同而體異也

金石文  
字記

碑文有逡遁字顧寧人謂是逡巡之異文以予考之集韻逡遁後三字牽連書之均七倫切音義則一說文釋彳字云乍行乍止也遁字雖音徒困切而配之以彳當讀如足縮、如有循之循以為假借則不可得謂之異文矣寧人作音論惜集韻不存未知是書尚存天地問故于諸書疑義未盡晰爾

曝書  
亭集

碑云大男孟子有楊烏風七歲而夭配食斯壇蓋祔葬者亦金石文字中一例也

鮑琦  
亭集

金石文字記云此碑書妣作娵與費鳳碑同今此碑



妣字尚存并不作娵或亭林誤記他碑之字也劉太  
乙續金石錄云弱冠仕郡諮曹掾史歐本作諸今本  
諸字雖少漶漫然筆畫具在亦不作諮揚升菴云子  
雲本姓揚從手不從木碑云有揚烏之才謂童烏也  
字正從手升菴之言信爲有徵劉跋概書作楊誤矣  
又碑云頤親愛弟頤字作頤變臣爲正此與前姬字  
作姪同皆隸變也劉作順親亦非

金石存

右郎中鄭固碑亡其半僅存上節雍正六年有李鵬  
者於泮池左發地得一殘石刻高六寸闊一尺六寸  
存二十二字蓋鄭碑之下節云因移置碑旁顧不知

其斷剝沉埋者何代也

金石圖

昔姬下洪空二格以今諦審石本姬下是公字公下  
當是頤字此實石痕可髣髴非以文義度也 是碑  
自歐陽集古錄已目爲零落之餘而云其間有遼遁  
退讓之語今則遼遁字已不可見而以今日拓本次  
弟所收先後出土者核之洪氏所錄則所闕亦不甚  
多乃牛真谷以爲碑亡其半顧南原以爲碑已中斷  
皆失其實矣顧又云家有拓本尚完而所摹諸字乃  
皆訛誤則是所謂有完本者亦未可信也 清眇眇  
字卽今妙字方言眇小也此當爲妙之正字凡書妙



字者當以是碑為據 張埴曰曰疾錮辭曰疾何法

作讀豆錮辭之錮當作固其弟撰碑避其兄之諱也

兩漢金石記

郎中鄭固碑詳其文義乃弟述其兄而作喪服傳不

滿八歲以下為無服之殤鄭君長男孟子七歲而夭

乃建墳與固配食此禮之過而失其中者論語色斯

舉矣斯乃語辭而漢魏人多用色斯字如王充論衡

翔而後集色斯而舉費鳳碑色斯輕翔費鳳別碑色

斯高舉元賓碑翻翬色斯抱朴子外篇明哲色斯而

幽遜內篇杜漸防微色斯而逝皆以斯連上讀若張

壽碑常懷色斯斥彰長田君碑色斯去官抱朴子外

篇或色斯而不終曰三國志崔琰傳哲人君子俄有

色斯之志此碑亦云將從雅意色斯自得則竟以色

斯當遠之意所謂歇後語也春秋晉侯詭諸卒陸德

明云左氏傳作侂諸今本左氏亦作詭惟石經猶是

侂字此碑造膝侂辭為詭則古書侂詭通用矣潛研堂金

石文

細丞拓本惟存上段自雍正六年州人李鷗得下段

殘石於泮池其子東琪又於乾隆四十三年同藍別

篋嘉瑄將此碑升高出土之上重立復出中段較洪



只隸釋所缺無幾碑云造腴侷辭案玉篇侷戾也九  
委切此與上文犯顏譽誇之意正合又建口共墳建  
字下洪釋闕今驗拓本確是防字案爾疋釋地墳大  
防李巡云墳謂崖岸狀如墳墓名大防也孫炎云謂  
隄也墳之有防所以護衛兆域者此因孟子耐葬故  
云建防共墳其義自明又昔姬公口武弟述其兄姬  
卽姬字乃謂周公頌述武王於此見撰碑者爲鄭君  
之弟矣銘云頤親誨弟虔恭竭力教我義方導我禮  
則又云奉我元兄修孝罔極皆其明證又文內琦瑤  
延以爲至德不記云云琦瑤當是鄭君一子之名蓋  
其弟從兄子之請而撰此銘也

石志

碑多損磨其文云男孟子楊烏之才又銘詞嗟嗟孟  
子苗而弗毓案下又有元兄修孝罔極之文庶長曰  
孟此卽鄭君庶子之早夭者法言問神篇育而不苗  
者吾家之童烏乎九齡而與我元文碑蓋襲用此語  
當時法言大行人傳爲學以見于文如此

隸釋夏堪  
碑稀驥顏

亦用法言學行篇  
驥之馬稀顏之人

漢書揚雄傳其先出自有周伯

僑者以支庶食采于晉之揚因氏焉左傳揚從木今  
碑楊烏亦從木漢之稱雄氏族者楊與揚兩用之其

見于此碑可考也

授堂金  
石跋



碑云先是君大男孟子有楊烏之才七歲而天法言問神篇育而不苗者吾家之童烏乎九齡而與我元文注云童烏子雲之子也九齡而與楊子論元碑稱楊烏卽子雲之童烏楊字從木揚修稱吾家子雲今考沛相楊統碑高陽令楊著碑太尉楊震碑皆修之先人其字亦從木也文士傳桓焉坐有客爲詩曰甘羅十二楊烏九齡與碑稱楊烏同太平御覽三百八十五卷引劉向別傳疑是揚雄別傳揚信字子烏雄第二子幼而聰慧雄笑元經不會子烏令作九數而得之又疑易羝羊觸藩彌日不就子烏曰大人何不云荷戟入榛讀

此始知烏是其字而法言亦稱烏父字其子猶曹孟德稱子建又孫權母謂權曰公瑾與伯符同年小一月耳我視之如子也汝其兄事之魏畧單固字恭夏繫廷尉見其母不仰視其母字謂之曰恭夏隋書房陵王勇字峴地伐皇后忿然曰峴地伐漸不可耐是母亦字其子也桓譚新論揚子雲爲郎居長安素貧比歲亡其兩男哀痛之皆持歸葬於蜀以此困乏雄察達聖道明於死生宜不下季札然而慕怨死子不能以義割恩自令多費而致困貧也桂馥跋

按碑云以疾錮辭錮卽固字謂久固之疾也禮月



令國多固疾文選求通親親表禁固漢書賈誼傳

必為錮疾字又作痼後漢書光武紀痼疾皆愈又

周章傳羣臣以勝疾非痼皆固疾之証歐陽說得

之張舍人墳謂此句當以以疾為讀非是碑又云

作世模式隸釋作幙式注云碑以幙為模昶攷古

字從無以幙模通用者今審石本模字左旁作木

顯然从木洪氏見其結體與巾相類故誤為幙也

### 蒼頡廟碑

碑高六尺一寸廣六尺  
二十四行字數不可紀

○流關劉君諱關以省關流德教於千里

○禮樂之關逢關義立關親乃詠訪國

老關彌久奠之關室於曼乎關作教告關

誓寫彼鳥迹關以紀時關蒼頡天生

德於大聖四目靈光為百王作書關以傳萬

嗣陶關法度非書不明古今行事非品關

無以垂示三綱六紀關地理印覽縣為俯

名山川五常之類含氣庶品非書不記關

靈關三表千秋關未生者皆關服

其教關為德也莫關上陰陽並兼然關

字乾行無已順環無端關下關上關三百選有



德聖裔以口之黍稷稻梁潔齊一口良辰

薦家祀告字關三復民及家須口口禱祈雨降

子字關六盜賊關文關下穎川關訓古今

下關上歌之義疑關乃字上頌曰穆

穆聖蒼關下老名永久彌光無德不報字關二

百行順禮關下聲休嘉孔融

劉府君大漢枝族應期伯弼宗關下禮崇樂

以化未造勸詣璧壺關下口雲口令問節高

口配聖德合符出關下關五行

碑陰

共二列每列二十  
四行首二行全關

上關陳下關

上關陳下關千

故督盜賊人關走下千

故記史池陽吉關二百

五官掾高陵關千

奏贖掾池陽吉關千

上關掾雲陽關千此下關

上關千五百

上關千此下關



關上干

口曹史蓮勺關二千

關上池陽字關二千

口倉曹史臨晉場仲干

關上雲陽字關二千

口曹史關下

議曹關下

少府史關下

教花史關下

持事掾關下

高陵守關下

持事掾高關下

故關二亭長關下

關上掾亭關下

關上池陽吉又下關此行

關上勺又下關此行

關上掾萬又下關此行

關上曹關下

關上掾曹又下關此行

碑右側



共四列每列六行  
未列首行全闕

鄧令朔方臨戎孫羨約闕六從事永壽二

幸朔方太守上郡仇君察孝除郎中

大原陽曲長延喜四年九月上詔書遷

鄧令五年正月到官奉見劉明府立

祠刊石表章大聖之遺靈以示未世之未

生謹出錢千百口者下并自紀姓名

鄧守丞臨晉張疇字元德五百守左尉

蕙丰長沙瑗字君平五百

鄧縣三老上官鳳季方三百

鄧鄉三老時勤伯秋三百

鄧主記掾楊綬子長三百

鄧門下游曹裴篤伯安三百

鄧門下游激許愔功上三百

鄧門下賊曹白余子口三百

功曹史上官步口董三百

錄事史楊禽孟布三百

集曹掾馬津子孝三百

倉曹掾任就子闕二百

故功曹郭闕三百



素書 闕 三百

軍假司馬 鄧 闕下

攷掾位 鄧 闕下

攷掾位 鄧 張 闕下

故文學掾 鄧 李 闕下

故文學 彖 闕下

碑左側

共三列第一列六行 第二一五行第三四行

議曹史蓮 刁 楊 士 三千

功曹書佐 頻 陽 成 扶 千

騎吏蓮 刁 任 鼎 六百

騎吏高陵 口 肆 六百

騎吏臨晉 口 珠 六百

口吏高陵 張 順 六百

高陵左鄉 有 闕下

萬丰左鄉 有 秩 游 智 千 闕下

萬丰北鄉 有 秩 畢 奮 千 五百

蓮 刁 左鄉 有 秩 杜 衡 千 五百

池陽左鄉 有 秩 何 博 千 五百

夏陽侯 長 闕下



夏陽侯長馬琪千

栗邑侯長何憚千

及羽侯長

闕下

碑額題字

字在碑額穿右五行行十字穿左有宋人題字五行正書左讀

左馮翊東牟平陵衡君諱口字口升以熹

平六年五月廿八日於口口口口口口口

口祠出奉錢二百口口口口之禮

嘉祐庚子五月

蒼頡祠下

喬岳同過

汲郡呂大忠華陰

萬年朱吉打碑記

右漢碑陰題名二有議曹功曹騎吏有蓮勺左鄉有

秩池陽左鄉有秩池陽集丞有秩皆不知是何名號

又有夏陽侯長祓祢侯長則是縣吏之名

集古錄

按前漢書張敞以鄉有秩補太守卒史後漢書百官

志鄉置有秩三老游徼本注曰有秩郡所署秩百石

掌一鄉人注引漢官曰鄉官五千則置有秩風俗通

曰秩則田間大夫言其官裁有秩爾然則有秩蓋亦



鄉吏名也

金石錄

右漢蒼頡廟碑並陰碑兩側共四紙蒼頡廟蓋在郿縣此碑頌乃御令孫羨奉劉明府之令爲之而碑陰兩側則備記孫全出仕始末及其掾屬所出錢數也此碑自歐趙而外他家皆所未見 集古錄有朔方太守碑陰及碑陰題名二跋卽此碑兩側題字也歐陽公未得前碑故其稱名不無錯誤金石錄有蒼頡廟碑又有蒼頡廟人名所謂人名亦卽此碑兩側然又未嘗云有碑陰不知當宋時何以二公所得不全如此 金石錄云考其歲月蓋熹平六年立今碑于

年月字已無可見予但以兩側有延熹五年字遂列之爲桓帝時刻

金石存

按羅泌路史載是碑有云穆穆聖蒼又稱是碑以熹平六年立今碑刻并無此文字則是碑在羅泌時猶有可觀者

金石圖

碑側書出錢者姓名有守左尉萬年長沙瑗字君平萬年縣也長沙乃覆姓此稀姓亦所僅見

抱經堂文集

是碑御縣令孫羨奉教於劉明府而立此石劉蓋治左馮翊也後漢書地理志左馮翊有衙縣注皇覽曰有蒼頡冢在利陽亭南墳高六丈是也碑文首以劉



君諱口又云劉府君大漢枝族漢碑之體多以祀典  
推重其使君也 碑以未爲末凡二處

碑正面十八行未造是未

造又左側尚層未生是未生

又以偏旁王爲玉亦凡二處其碑側

內任下一字吳作鮐歐作就似以就爲是

兩漢金石記

右蒼頡廟碑在白水縣東北五十里之史官村其地  
於漢爲衙縣春秋秦晉戰於彭衙卽此地續漢志左  
馮翊有衙縣注引皇覽云有蒼頡冢在利陽亭墳高  
六丈後人因建廟於此縣以彭衙得名兩漢志皆作  
衙字而碑作郤猶曲江之爲曲紅西城之爲西成也  
碑文雖漫漶諦視之尚有可識者惜洪丞相隸釋未

著於錄不得其全文故不能通耳碑上穿之左有宋  
人題名四行呂大忠大防之兄嘗爲陝西轉運副使  
者也 右碑陰文更漫滅其兩側面各有字尚可讀  
其一云朔方臨戎孫羨云云歐陽集古錄題爲朔方  
太守碑陰者蓋卽此然碑所述者郤令孫羨筮仕本  
末朔方太守仇君則孫令之舉將與立祠無異乃以  
朔方標題誤矣其一歐公亦有跋而不知其爲何碑  
之陰蓋碑本四面有字歐公僅得其兩側又誤分爲  
二趙德甫金石錄有蒼頡廟碑卽碑之正面又有蒼  
頡廟人名卽碑側之一面其又一面與碑陰則趙亦



未見洪文惠則全未之見

潛研堂金石文跋尾

趙明誠以爲熹平中立余案碑側已有永壽年號則

非熹平可知

關中金石記

按碑在白水縣之史官村昶在西安聞其橫臥土中慮其日久斷毀因囑署縣顧令以牛車輦置學宮久而未報適令復至問以故則云碑在野田時屢奉上檄摩拓爲苦若移至儒學恐索者益衆不能悉應所求因言縣官及鄉民皆以古碑爲累蓋僻縣無善揚者必於省城延仿能手厚其工值下鄉又需差役同往官雖給以日用而人數旣多勢

必佔住民居騷擾百姓于蔬果則強取之雞豚則抑價以買之且碑爲風沙所積須加洗拭方可椎拓拓時須避風雨必俟天晴竟有遲三四日始得一紙者上官誅求未已而地方重受其困故鄉民見有古碑輒相培擊而官吏諉爲不知也昔顧氏炎武謂君子毋浮慕古以厲民豈深有見於此乎今是碑剝泐僅存二百三十餘字碑陰亦大半漫漶惟兩側題名差完善石之存否已不可知附書于此後有長官思博好古之名而弗恤民力者其以斯言爲鑑可也



桐柏淮源廟碑

碑文從衰本摹錄後刻吳炳記行書高廣尺寸行字數俱無可紀今在濟源縣

前翰林待

制吳炳重書

男嗣昌填摹

延熹六年正月八日乙酉南陽太守中山

盧奴口君冢正好禮尊神敬祀以淮出平

氏始於大復潛行地中見于陽口立廟桐

柏春秋宗奉灾異告愆水旱請求位此諸

兵聖漢所尊受珪上帝以常定一部守奉

祀濟絜沈祭從郭君以夾心餘年不復身

至道行丞事簡略不敬明神中歆灾害以

生五嶽四瀆與天合德仲尼慎祭常若神

在君淮則大聖親之桐柏奉見廟祠崎嶇

逼狹開拓神門立闕四達增廣壇場饒治

華蓋高大殿宇口齊傳館石獸表道靈龜

十四衢廷廟諱敬官廟嵩峻極慎慶祀一丰

再至躬進三牲執五以沈為民祈福靈祇

報祐天地清和嘉祥昭格禽獸碩茂草木

芬芳黎庶賴社民用佐頌其辭曰

汭汝淮源聖禹所築湯湯其逝惟海是造

疏穢濟遠柔順其道弱而能強仁而能武



口口晝夜明哲所取寔爲四瀆與河合矩  
烈烈明府好古之則更恭禮祀不逾其德  
惟前廢弛匪躬匪力灾青以興陰陽以忒  
陟彼高岡臻茲廟側肅肅其敬靈祇降福  
雍雍其和民用悅服穰穰其慶丰穀豐殖  
望君輿駕扶老攜息幕君塵軌表走忘食  
懷君惠賜思君罔極于肯樂于傳于萬億  
春侍祠官屬五官掾章陵劉訢功曹史安  
衆劉瑗主簿蔡陽樂茂戶曹史宛任異  
秋五官掾新關梁懿功曹史鄠周謙主簿

安衆鄧嶷主記史宛趙旻戶曹史宛謝綜

淮源廟爲國家崇奉尚矣漢延熹六年南陽太守躬  
奉廟祀爲民祈福民用胥悅刻石頌德其辭邇雅韓  
公作海南廟碑文疑取於此隸書之妙與劉熊碑如  
一手書風雨剝食其僅存者漫不可讀昔人嘗正書  
是文勒石廟側間有誤謬識者病之未有奮然以新  
之者至正四年杜君昭字德明京師人以文學才敏  
同知唐州旣修祠廟因以重刻舊碑謀諸僚佐動合  
事宜上下協應以浚儀吳炳嘗習漢隸請重書舊文  
於石乃叅以隸釋更定其誤嗚呼漢碑之見於歐陽



氏集古錄趙明誠金石錄者所存寡矣洪氏蓬萊閣  
本世不多見其僨於荒烟野草之間者蓋不數見桐  
柏廟碑漢刻中之烜赫者也其壞而復完豈獨以文  
字之妙可用垂不朽與抑淮源神靈陰有以相之與  
然則頌之所謂天地清和嘉祥昭格靈祉之報祐  
聖世崇奉明祀者宜無窮期也夫金石刻辭古人所  
以傳遠託得其所必久而後壞雖壞矣得人焉亦且  
復完既爲重書乃記以告後觀者知是碑再刻由杜  
君始亦將隨所遇而用其力焉則缺文斷碣之僅存  
者庶幾有望於後之人矣至正四年三月前翰林行

制吳炳記

安仁大師何德洪刻

右桐柏淮源廟碑今在唐州載延熹六年南陽守躬  
祠淮廟事水經云廟前有碑是郭苞立又二碑延熹  
中守令所造此則其一也碑云奉祀濟絜字書無濟  
字以文意推之當爲齋戒之齋此碑又有一正書者  
如華蓋誤作萃豐晝夜誤作立式凡十數字婁壽亦  
有正書一碑州鄰誤作鄰里愛懷誤作盛德其難辨  
如朱爵及處謚字則以爲闕文予之費目力於此書  
良不少也

神卽拓字華卽華字祗卽  
祗字永卽奔字隸釋

桐柏廟碑無額有穿文十三行行三十三字末有兩



金石錄卷之十一  
行題侍祠官屬以春秋二字題於兩行之上春四人

秋五人中無空字

續

洪氏隸釋載此碑缺五字今拓本字畫完好而乏淳古之氣蓋唐人重刻者據朱長文碑帖考云是釋曠書釋曠開元時僧金石錄中有北嶽恒山碑亦其所書也

潘耒金石文字記補遺

右漢桐柏廟碑水經淮水出南陽平氏縣胎簪山東北過桐柏山酈道元謂山南有淮源廟廟前有碑是南陽郭苞立又二碑並是漢延熹中守令所造斯蓋其一矣考歐陽氏集古錄所載碑文中山盧奴君奴

下闕一字斯碑云盧奴張君特未詳其名爾其曰春秋宗禋碑作宗奉災異告變作告愬而靈祇下碑闕報祐二字中云從郭君以來廿餘年不復身至集古錄闕其文郭君殆卽苞也獨怪歐陽氏謂其文字斷續而是碑甚完好疑爲後人重摹然流傳于世罕矣

曝書亭集

天下碑錄云在唐州卽今南陽府唐縣桐柏山在其境字原云或云在隨州棗陽桐柏鎮按一統志桐柏山南接隨州西接棗陽唐縣隨州皆有淮濱廟或隨州別有一碑非卽唐縣之碑也集古錄曰云在鄧州



恐誤

隸辨

右淮源桐柏廟碑漢刻久亡元至正四年吳炳重書炳子嗣昌填摹上石炳分隸頗有法度而少漢人淳古之氣碑末記亦炳所述行書殊道美中州罕拓碑手故流傳者寡而碑估之黠者往往割去炳重書字及碑後記裝界成冊收藏家未見全文遂以爲真漢刻矣朱錫鬯疑爲後人重摹而不得其主名潘次耕又疑爲唐人釋曠書蓋兩公所見者皆裝界之本耳但錫鬯謂碑闕靈祐二字此本却未闕又謂碑云盧奴張君今盧奴下闕一字非張字豈錫鬯所見者又

別一本耶

潛研堂金石文跋尾

碑後有記畧云漢延熹六年南陽太守刻石頌德風雨剝食其僅存者漫不可讀昔人嘗正書是文勒石廟側間有謬誤識者病之是漢碑尚存但多漫滅後人又有正書碑炳又摹漢隸而書此碑也炳云有謬誤之碑卽隸釋所云此碑又有一正書者今亦不存予聞漢碑仆地卽在吳炳碑之旁尚有數字可辨屢飭守令打本搜訪不得恐又爲近時修廟取作柱礎矣光州孫叔敖碑顧炎武亦見拓本今求之云湮沒甚可惜也吳炳見書史會要云字彥輝沐人身安歛



畝朝廷三聘不起工篆書予記憶其所書尚有河南  
行省增修堂廡碑記今求之不得云洪适又謂此碑  
奉祀齋絜字書無齋字案說文有齋字云縑也蓋齋  
衰本字借音為齋絜耳

中州金石記

金石萃編卷十終

金石萃編卷十一

賜進士出身 誥授光祿大夫刑部右侍郎加七級王昶謨

漢七

泰山都尉孔宙碑

碑高七尺三寸廣四尺十五行行二十八字額題有漢泰山都尉孔君之碑九字篆書今在曲阜縣孔廟

有漢泰山都尉孔君之銘

君諱宙字季將孔子十九世之孫也天姿

醇嘏齊聖達道少習家訓治嚴氏春秋緝

熙之業既就而聞閩之行允恭德音孔昭

遠舉孝廉除郎中都昌長祗傳又教尊賢



蒼老躬忠恕，及人兼禹湯之辜。已故能興朴，  
興朴口口，口口郡幣濟廟，功於易簡三載考績。遷元城，令是時東懲黔首，猾夏不口口口。祠兵遺畔，未寧乃擢君典戎，口口之旬。月之閒，莫不解甲服罪，口口口口。樛田暖喜于荒圃，商旅文手險路，會鹿鳴於樂苑，復長多於酬酢，口口口口。稔會遭蕉病告困，跋仕得茲所好，年六十一。延熹六年正月，未口口口。疾貴速朽之反，真慕寧儉之遺。尉宅少不華，明器不設，凡百印高口口口口。

述於是故吏門人乃共陟名山采嘉石勒銘示後俾有勲式其辭曰

於顯我君懿德惟光紹聖位儒身立名彰。貢豈玉室閨口是夏夙夜口口左公明明。乃綏二縣勳儀口重於元時靡擲茲世方。帥波凶久霞口口南蔽孔饒山有夷行。豐季多乘稱波光觥而願其勲民斯是皇。疾口口口乃委其榮忠吉愍勤屢省乃聽。恭儉自終庶庶不隲生播高譽歿於今名。永夫不刊番載揚聲。延熹七年口



月戊口造

碑陰

共三列每列二十一行額  
題門生故吏名五字篆書

門生鉅鹿瘦陶張雲字子平

門生鉅鹿瘦陶趙政字元政

門生鉅鹿廣宗捕巡字升臺

門生東平寧陽韋勳字多昌

門生魏郡館陶張上字仲舉

門生魏郡館陶王時字子表

門生魏郡陰安張典字少高

門生魏郡魏孟忠字待政

門生魏郡魏李鎮字世君

門生魏郡館陶吳讓字子敬

門生魏郡館陶文倫字元節

門生魏郡館陶甄瑁字仲雅

門生魏郡鄴暴香字伯子

門生東郡東武陽梁沘字元祖

門生東郡衛公國趙恭字和平

門生東郡東武陽張表字公方

門生東郡東武陽滕穆字奉德



門生東郡樂平乘演字仲厚  
門生東郡樂平靳京字君賢  
門生東郡樂平梁希字叔光  
門生東郡樂平乘顯字伯異  
門生陳留平丘司馬規字伯昌  
門生安平下博張祺字術松  
門生安平下博張朝字公房  
門生安平下博蘇觀字伯臺  
門生安平堂陽張琦字子異  
門生北海安丘齊納字策謀

門生北海都昌呂升字山甫  
門生北海劇秦麟字伯麟  
門生北海劇如廬浮字遺伯  
門生北海劇薛顛字勝輔  
門生北海劇高冰字季超  
門生濟南梁鄆趙震字村政  
門生濟南梁鄆徐璜字多爽  
門生濟南東平陵吳進字升臺  
門生甘陵廣川李都字元章  
門生甘陵貝丘賀曜字升進



門生魏郡清淵許祺字升嗣

門生魏郡館陶史崇字少賢

門生魏郡館陶孫忠字府文

門生東郡樂平盧循字子節

門生任城任口口口字景漢

門童安平下博張忠字公直

故吏北海都昌逢祈字伯熹

故吏北海都昌隆章字文理

故吏北海都昌魏稱字文長

故吏北海都昌呂規字元規

故吏泰山費魚淵字漢長

故吏泰山華母樓覲字世光

故吏泰山南城魚規字世舉

故吏泰山南武陽蕭誨字伯口

故民泰山費淳字黨字季道

弟子北海劇陸暹字孟輔

弟子陳留襄邑樂魚字宣舉

弟子下邳下邳朱班字宣口

弟子東平寧陽周順字承口

弟子沛國小沛周升字仲甫



弟子魯國文陽陳襄字聖博

弟子汝南平輿謝洋字子讓

弟子山陽瑕丘丁瑤字實堅

弟子魯國戴璋字元珪

弟子魯國示王政字漢方

右泰山都尉孔君碑其辭有云躬忠恕以及人兼禹

湯之罪己宙人臣而引禹湯以為比在今人於文為

不類蓋漢世近古簡質猶如此也集古錄

孔宙北海父也見後漢書融列傳又據桓帝紀泰山

都尉元壽元年置延熹八年罷宙以延熹四年卒蓋

卒後四年官遂廢矣金石錄

孔君名宙即融之父也威宗延熹六年正月卒碑以

次年七月立宙有七子曰謙曰襄皆見於碑誌凡漢

刻其首行即入詞無額者或題其前如張納樊安之

比亦甚少已篆其上復標其端惟此碑爾釋左傳者

以窳窳為厚夜此云窳夕非借也碑以幣為弊樽為

乘光惠蓋嗽即以夏則黍兕簠簋陳漢碑多有陰然稀少有額獨此

刻以五大篆表其上凡門生四十二人門童一人弟

子十人故吏八人故民一人都昌者四泰山者五漢

儒開門受徒著錄有盈萬人者其親受業則曰弟子



以久次相傳授則曰門生未冠則曰門童搃而稱之亦曰門生舊所治官府其掾屬則曰故吏占籍者則曰故民非吏非民則曰處士素非所泣則曰義士義民亦有稱議民賤民者逢盛碑有姓姓者二人趙氏謂氏族書無姓姓此碑有都昌姓章則古來自有此姓但譜者考之不詳爾漢人雖姓氏亦借用字如伍爲五歐陽爲歐羊之類或是借殪爲解亦不可知也

麟卽麟襄卽襄邾卽邾字 隸釋

碑曰躬忠恕以及人兼禹湯之皐己昔人謂漢世近古猶簡質如此以禹湯用之泰山都尉亦自不類謂

皐己尤不得施於此也余讀屈原書以朕自況周秦六國間凡人相與言皆自臣也秦漢以後禁忌稍嚴文氣日益凋喪朕猶未若後世之纖密周細求人功皐於此也昔左氏書子皮卽位叔向言罕樂得其國葉公作顧命楚漢之際爲世本者用之潘岳奉其母稱萬壽以獻鴈張永謂其父柩大行屈道孫盛謂父遐登蕭惠開對劉成其如慈旨竟陵語顧憲之曰非君無以聞此德音鮑照於始興王則謂不足宣贊聖旨晉武詔山濤曰若居諒闇情在難奪夫顧命大行慈旨諒闇後世人臣不得用之其以朕自況與稱臣



對客自漢已絕於此況後世多忌而得用耶廣川書跋

碑在曲阜延熹七年立通志金石略嘗載其目云未

詳所在復載泰山太守孔宙碑云在兗州立於延熹

六年是漢有兩孔宙而碑復有二何其繆哉 右孔

宙碑陰前碑云故吏門人陟山采石勒銘示後則此

所載皆其人也

金華琳瑯

孔宙融父也卒以延熹四年又後四年而都尉廢廢

三年而長子褒坐融匿張儉抵罪時融年十六宙卒

時僅九歲碑不載宙子名余故附記於後王世貞弁州山人四

宙字季將隸書易辨而永叔集一作秀持不知何據

石墨鐫華

孔宙融父也史作伯趙明誠歐陽永叔王元美皆謂

卒以延熹四年元美謂又四年都尉廢廢三年長子

褒坐融匿張儉抵罪時融年十六宙卒時僅九歲按

建寧二年張儉舉奏侯覽誣儉鉤黨刊章討捕時融

年十七非十六也又按碑宙以延熹六年正月乙未

卒甚明三公皆史家張杜謂四年何也又按融建安

十三年卒年五十六則是永興元年癸巳生至延熹

六年癸卯融正十一歲非九歲也金石史



按後漢書孔融父仲泰山都尉非也當依碑作宙三國

志注引續漢書亦作宙其名仲者別自一人董卓傳以陳留孔

宙為豫州刺史袁紹臧洪傳符融傳薦達郡士范冉韓卓

孔宙等三人魏志武帝紀豫州刺史孔宙注引英雄

記宙字公緒鄭太傳孔公緒清談高論嘘枯吹生九州春秋作冑乃獻

帝時人仙事略見許靖傳此泰山都尉乃融之父耳

又韓勅碑陰出錢數郎中魯孔宙季將干金石文字記

孔宙融之父也裴松之注魏志引司馬彪續漢書亦

作宙又韓勅碑陰出私錢數列郎中魯孔宙季將干

當以碑為據而後漢書融列傳作仙考宙卒于靈帝

熹平四年而宙于獻帝初平元年拜豫州刺史籍本

陳留字公緒別是一人竊疑范史不應紕謬若是或

發雕時為妄人所更後學遂信而不疑也曝書亭集

孔子四十七代孫傳官右朝議大夫于宋紹興中著

東家雜記云十九代宙郎中令碑云郎中按郎中令

秩二千石郎中二百石皆屬中尉宙初舉孝廉未能

即除郎中令而傳為孔氏裔孫援據譜系不應舛誤

然碑為當時所立更屬可信集古文云宙舉孝廉除

郎遷元城令百官志郎與郎中秩自不同蔡質漢儀

曰三署郎見光祿勳執板拜見謂主左右署及五官



中郎也他如尚書郎羽林郎黃門郎小黃門郎議郎  
 治禮郎通謂之郎而郎中之所屬者如五官謁者及  
 中尉而三耳似不得去中字以混于諸郎或文中省  
 文抑別有所據也顧寧人曰孔融傳父伯泰山都尉  
 非也名伯者別自一人按魏武紀豫州刺史孔伯英  
 雄記伯字公緒九州春秋作胄乃獻帝時人予從常  
 熟錢氏毛氏泰興季氏同里徐氏見宋刻善本皆作  
 宙未知顧之所據何本也金石錄後錄

碑云治嚴氏春秋光武立五經十四博士春秋二家  
 顏安樂為春秋顏氏學嚴彭祖為春秋嚴氏學也又

云都昌長都昌北海國屬邑第四又云遷元城令元  
 城魏郡屬邑第五杜預曰縣東南有地名馬陵史記  
 曰龐涓死處按後漢書桓帝紀延熹五年九月太山  
 琅邪賊勞丙等復畔寇掠百姓冬十一月太山賊叔  
 孫無忌攻殺都尉侯章十二月遣中郎將宗資討破  
 之通鑑詔徵皇甫規拜太山太守規到官廣設方略  
 寇虜悉平合諸碑所云是時東嶽黔首猶夏遺畔未  
 寧乃擢君典戎則宥為太山都尉在宗資破賊之後  
 繼侯章任職與皇甫規同時文武相濟當延熹四五  
 年因病致休卒于六年正月而史未列其人亦未詳



其事也後銘詩卅句上十四句一韻下十六句一韻  
漢碑中文理之最順者宙為孔融父當時撰述或出  
北海之潤色耶碑陰其郡邑中有曰衛公國者東  
郡屬國第十四本觀故國姚姓光武更名有河牧城  
有曰甘陵者本清河國班書清河郡厝縣安帝以孝  
德皇后葬于厝改曰甘陵范史于清河國屬邑甘陵  
下注曰故厝蓋自桓帝建和二年則又改清國為甘  
陵也有曰貝邱者范史郡國志作貝邱予觀碑字是  
貝邱非貝邱可以正史之譌有曰華者前漢書地里  
志泰山郡屬有華縣後漢書郡國志太山郡屬無華

縣今按此碑則桓帝延熹時泰山郡屬尚有華縣未  
曾廢范史失載此縣也金石遺文錄

竹垞詰范史孔佑之誤是已然謂宙卒于靈帝熹平  
四年則亦未確蓋宙卒于桓帝延熹六年趙德夫以  
為延熹四年亦譌而竹垞殆因延熹之譌又展轉潤

熹平也鮑崎亭集

祇傳五教者即尚書之敬敷五教也以祇易敬以傳  
作敷漢書文帝紀傳納以言宣帝紀傳奏其言師古  
曰傳讀為敷漢碑陰多不題額惟此及陳德鄭季  
宣碑陰有之隸釋云漢儒開門受徒其親受業則曰



弟子以次相傳授則曰門生未冠則曰門童此碑前

列門生門童後列弟子如累親受業為弟子而以次

相傳授為門生不應弟子反列門生門童之後隸釋

此言雖本之歐陽集古錄恐終未可深信也金石存

後漢書融列傳云父宙太山都尉一本作伯顧氏金

石文字記云三國志注引續漢書亦作宙其名或作

伯者蓋板本偶異至於伯字公緒則別是一人朱竹

垞曝書亭集亦同此說乃其所著經義考承師門內

泰山都尉魯孔宙季將下復注云王粲漢末英雄記

張璠漢記宙字公緒何也又其所据隸釋列於承師

條下之孔宙弟子暨其門人門童或以郡為邑或以

邑為郡魏乃縣也或以邑為官北海劇或以邑為姓

任城任城下任城數十人中訛謬非一則又何也兩

是邑名其姓關記金石

碑文云天姿醇嘏醇嘏即純嘏也云祇傳五教祇傳

即敬敷也銘詞以虔嘏二字叶陽唐庚青韻吳才老

韻補所未取 碑陰題名三列凡六十有二人每人

具書郡縣名字漢碑陰之最謹嚴者惟弟子魯國戴

璋不書某縣未審其故漢志泰山郡有華縣續漢志

無之方輿紀要以為并入費縣按三國志稱臧霸太



山華人此碑亦有題泰山華者然則後漢元有華縣  
殆省併未久而復置耳通鑑獻帝興平元年劉備爲  
豫州刺史屯小沛胡三省注沛國治相縣而沛自爲  
縣屬沛國時人謂沛縣爲小沛由此今碑立於延熹  
末已有小沛之名疑當時縣名固有小字非土俗之  
稱也魏郡治鄴不治魏此碑籍魏郡魏郡者二人不  
稱小魏與沛國小沛書法迥異則小沛爲縣名審矣  
廣韻十九侯部婁字下引何氏姓苑云母婁氏今琅  
邪人此碑有母樓覲一人婁樓蓋通也如廬複姓志  
氏族者亦失載

潛研堂金石文跋尾

碑陰第三列平輿謝洋輿字碑石凹下二三分蓋刻  
時因誤鑿去復又補刻也碑有穿在篆額兩行之中  
碑首起四暈至篆字止碑左側題大中元年四月廿  
四日同邑大夫臧公謁先聖陵謹記正書三行左行  
字徑寸餘又題朝議郎前行蘇州常熟縣令上柱國  
脩縣男食邑三百戶賜緋魚袋高元度口口將仕郎  
前守宣州廣德縣尉裴章正書三行左行字徑寸許  
右側題太子中舍同判兗州梁述著作佐郎崔暨四  
十六代孫文宣公佑同謁先聖陵大宋天聖元年癸  
亥季秋望日進士劉炳題正書二行徑八分皆唐宋



人謁聖陵留題也蓋此碑嚮在宙墓前于乾隆某年  
間始移置廟內耳元又案漢碑多有穿暈者此沿周  
制也禮記檀弓曰縣棺而封鄭氏注云不設碑綽不  
備禮又曰公室視豐碑三家視桓楹鄭氏又據周禮  
及喪大記為注云豐碑斲大木為之形如石碑于槨  
前後四角樹之穿中子間為鹿盧下棺以綽繞天子  
六綽四碑前後各重鹿盧也四植謂之桓諸侯四綽  
二碑碑如桓矣大夫二綽二碑士二綽無碑孔冲遠  
疏云綽即紼也以紼之一頭繫棺緘以一頭繞鹿盧  
既訖而人各背碑負綽末聽鼓聲以漸卻行而下之

據此數義知古人墓碑有穿以貫鹿盧其綽繞鹿盧  
橫而斜過碑頭碑頭為此暈以限綽使之滑且不致  
外脫如今石井欄為綆所漸靡之形矣漢碑有穿有  
暈此必效三代遺制其暈左垂者右碑也右垂者左  
碑也又國策曰昔王季歷葬于楚山之尾欒水齧其  
墓見棺之前和元謂前和即前桓桓和古同聲其通  
借之迹甚多漢書酷吏傳如滄注言前和明有後和  
書和夷底績鄭注  
即四植之義也山左金

孔君名宙字季將碑字顯然後漢書孔融傳云父仲  
泰山都尉案英雄記孔宙字公緒陳留人後漢符融



傳太守馮岱到官融薦孔佃爲計吏案融陳留人故  
與佃同郡漢名臣奏有司空掾孔佃碑稱宙舉孝廉  
除郎中不曾爲計吏及司空掾也魏志董卓傳周孔  
佃等出宰州郡許靖傳陳留孔佃爲豫州刺史張璠  
漢記鄭泰說卓曰孔公緒能清談高論噓枯吹生案  
玉篇佃系也故佃字公緒若季將則與佃不相蒙矣

范書譌謬賴碑可證

桂馥  
跋

泰山都尉孔君嘗任此官案之桓帝紀初置泰山瑯  
琊都尉官注二郡盜賊不息故置今碑所謂東嶽黔  
首循夏不缺三祠兵遺畔未寧乃擢君典戎以文修

之典戎卽都尉職而注指盜賊不息者與碑懸合又  
應劭云每有劇職卽臨時置都尉事訖罷之攷泰山  
都尉置在永壽元年延熹八年卽罷蓋當孔君碑旣  
成之明年而官亦遂以廢其爲因時權設信有據也  
然則百官志謂邊郡往往置都尉語豈有所漏與隸  
續劉寬碑陰故吏伊闕都尉在靈帝中平二年鄭季  
宣碑陰有故孟津都尉在中平三年此二地豈得謂  
之邊郡與余故以孔君碑質之益知應氏說爲定也

授堂金  
石跋

### 西嶽華山廟碑



碑高七尺七寸廣三尺六寸二十二行行三十  
八字額題西嶽華山廟碑六字篆書石今毀

周禮職方氏河南山鎮曰華諱之西嶽  
不使曰山嶽則配天乾以定位山澤通氣  
雲行雨施既成萬物易之義也祀典曰曰  
月星辰所昭印也地理山川所生殖也功  
加於民祀以報之禮記曰天子祭天地及  
山川歲遍為自三五迭與其奉山川或在  
天子或在諸侯是以唐虞疇咨四嶽五歲  
壹巡狩皆以四時之中月各省其方親至  
其山牝祭燔燎夏香則未聞所損益周鑒

於二代十有二歲王巡狩殷國亦有事于  
方嶽祀以圭璧樂奏六歌 高祖初興  
改秦淫祀大宗承循各詔有司其山川在  
諸侯者以時祠之 孝武皇帝脩封禪  
之禮思登遐之道巡省五嶽禮祀豐備故  
立宮其下宮曰康靈宮壑曰存僊壑門曰  
望僊門 仲宗之世重使使者持苴祀  
焉歲一禱而三祠後不承前至于比新寤  
用北壺訖今垣趾營北猶存建武之元事  
舉其中禮從其省但使二千石以歲時往



祠其有風旱禱請祈求靡不報應自是以  
來百有餘年有事由巡輒過亨祭然其所  
立碑石刻紀時事文字摩滅莫能孳識延  
熹四年七月甲子廟諱農大守安國亭侯汝  
南袁逢掌華嶽之玉位應古制脩廢起頓  
閔其若茲深達和民事神之義精通誠至  
初祭之福乃案經傳所載原本所由銘勒  
斯石垂之于後其辭曰

巖巖田嶽峻極穹蒼奔有河朔遂荒率陽  
觸石興雲雨我農耒資糧品物亦相瑤光

崇廟二州古曰維梁馮于幽峻文益克昌  
于之展義巡狩省方王帛之贖禮與岱六  
大樂之變舞以致康在漢中葉建設宇堂  
山嶽之守是秩是望侯惟安國兼命斯章  
尊脩靈基肅共壇場明德惟馨神歆其芳  
遐禳凶札孳敘吉祥歲其有丰民說無疆  
袁府君肅恭明神易碑飾闕會遷京兆尹  
孫府君到欵茗嘉業遵而成之延熹八年  
四月廿九日甲子就袁府君諱逢字周謐  
汝南女陽人孫府君諱璟字山陵安平言



都人時令朱頴字宣得甘陵郟人丞張尋  
字少游河南京人在尉唐佑字君惠河  
密人王者瑑華陰王萇字德長  
京兆  
尹勅臨都水掾陵土志卅石遣書佐新豐  
郭香察書刑者穎川郎鄭公脩蘇張工郎  
君惠

右漢西嶽華山廟碑其略云孝武皇帝修封禪之禮  
巡省五嶽立宮其下宮曰集靈宮歐陽公集古錄云  
所謂集靈者他書不見惟見于此碑爾余按班固漢  
書地理志華陰有集靈宮武帝起而酈道元注水經

亦云敷水北逕集靈宮引地理志所載其語皆同然  
則不獨見于此碑矣而所謂存仙殿望仙門者諸書

不載

金石錄

右西嶽華山廟碑篆額在華州華陰縣威宗延熹四  
年袁逢守洪農郡以華嶽舊碑文字磨滅遂案經傳  
載原本勒斯石以垂後會遷京尹乃勅都水掾杜遷  
市石遣書佐郭香察書碑成於後之四年蓋孫璆典  
郡時也逢者司徒安之曾孫太尉湯之次子嘗爲司  
空而卒史不載其歷洪農京兆乃闕文也東漢循王  
莽之禁人無二名郭香察書者察涖它人之書爾小



歐陽以為郭香察所書非也碑云四時中月省方柴  
祭不讀中為仲其義亦通至以宣帝為仲宗則是借  
仲為中說者謂漢世字少故多假借或曰漢人簡質  
字相近者輒用之予以為不然亦好奇之過爾以帝  
者廟號而借以它字不恭執甚焉碑云昭叩禮記作  
瞻仰方即亢字另

即昉字香即香字即即那字又  
以廢為廢女陽為汝陽

隸釋

昔歐陽公謂集靈宮惟見於此然漢武集靈宮見於  
太華漢志既書之矣桓譚嘗賦之酈道元曰敷水北  
逕集靈宮其事甚備永叔惜不得見也張昶序曰岱  
石立於宗繼統太華授璧秦胡絕緒白魚入舟姬

武建業寶珪出水子朝喪位布王五方則處其西列  
三條則居其中世宗又營集靈之宮於其下想松喬  
之儔然則集靈亦其盛哉三輔黃圖書其制度類聚  
亦書其名劉勰蓋嘗言矣予因得考之信廣川  
書跋

歐陽文忠謂集靈宮者他書不見余嘗觀桓君山賦  
序云余少時為郎從孝成帝出祠甘泉河東見郊先  
置華陰集靈宮宮在華山下武帝所造欲心懷集仙  
者王喬赤松子故名殿為存仙端門南嚮山書曰望  
仙門竊有樂高妙之志即書壁為小賦云然則文忠  
言他書皆不見豈偶忘君山之云乎沈休文詩既表



祈年觀復立望仙宮能改齋漫錄

西嶽華山碑為新豐郭香察書凡漢碑例不存書者名氏此小異耳至謂東京無雙名而云察書者豈書也其言似亦有據然鄧廣德梁不疑成翊世鄧萬世王延壽謝夷吾蘇不韋費長房蘇子訓此何人也世王

貞弁州山人題跋

西岳華山廟碑漢郭香察隸漢人碑多不書何人書

姓名者獨此帖耳屠隆考槃餘事

漢魏碑例不著書刻人姓名獨此題郭香察書為異洪适隸釋云東漢循王莽禁無雙名郭香察書者察

蒞他人之書又唐徐浩古迹記以為蔡中郎書余按

碑文云京兆尹勅監都水掾霸陵杜遷市石句遣書

佐新豐郭香察書市石察書為二事則洪公言似亦

有據但書雖遒勁殊不類中郎郭香何人乃蒞中郎

書耶且市石察書刻者皆著其名而獨無中郎名何

也徐浩生唐盛時去漢近其人又深于字學不應謬

妄至此皆不可曉至如楊文貞公跋遂以為郭香書

則察字無屬不成文理矣此碑嘉靖中猶在一縣令

修岳廟石門視殿上碑題皆當時顯者恐獲責罰此

碑年久遂碎為砌石余從東肇商借舊本而書其後



如此云石墨鐫華

碑舊在華陰縣西嶽廟中嘉靖三十四年地震碑毀  
華州郭允伯有此拓本文字完好今藏華陰王無異  
家其末曰京兆尹勅監都水掾霸陵杜遷市石遣書  
佐新豐郭香察書東漢人二名者絕少而察書乃對  
上市石之文則香者其名而特勘定此書者爾漢碑  
未有列書人姓名者歐陽叔弼以香察為名殆非也  
勅者自上命下之辭漢時人官長行之掾屬祖父行  
之子孫皆曰勅考之前史陳咸傳言公移勅書而孫  
智之古書郵何並之遣武吏俱載其文為勅曰他如

韋賢丙吉趙廣漢韓延壽王尊朱博龔遂之傳其言

勅者凡十數見後漢書始變為勅而後人因之淮南子重

九勅注勅音整形也六朝時勅字多改作勅故因之而變五經文字曰勅古勅字今相承皆作勅惟整字

從此何曾傳人以小紙為書者勅記室勿報則晉時

上下猶通稱之也至南北朝以下則此字惟朝廷專

之而臣下不敢用故北齊樂陵王百年習書數勅字

而遂以見殺此非漢人所當忌也且蜀之秦宓字子

勅見於國志矣歐陽公錄魯相韓勅修孔子廟器碑

乃疑自古人臣無名勅者而陸德明言此俗字也字

林作勅允伯以為其來旁從力者別音賚故魯相得



名焉則不知此碑之作勅者又何說也

沛相楊統碑孝以勅內仙

人唐公房碑勅尉部吏今尙書臯陶謨益稷康誥多收公房妻子皆此勅字

士詩楚茨易噬嗑大象之文並作勅而周禮樂師詔

來瞽臯舞注云來勅也勅爾瞽率爾衆工奏爾悲誦

肅肅雍雍母怠母凶鄭康成漢人也其訓來爲勅又

何哉其曰左尉唐佑按百官志尉大縣二人小縣一

人故橋元補雒陽左尉此言左尉亦以縣大而設之

兩尉與史書合

濟陰太守孟郁堯廟碑韓勅孔廟後碑穀阮君碑張公神碑三公山碑無

極山碑皆有左尉風俗通有武當左尉

又郡國志宏農郡下云華陰故

屬京兆建武十五年屬而此碑袁府君逢先爲宏農

太守後遷京兆尹故所書丞尉一爲河南京人一爲

河南密人主者掾則華陰人漢時丞尉及掾俱用本

郡人三輔郡得用他郡人宏農在後漢爲三輔故得

用旁郡人爲丞尉而京兆尹所遣掾佐一爲霸陵人

一爲新豐人則客也故別書於下而言京兆尹勅遣

之以著袁君之已遷官而不忘敬于神也使其在本

郡之官與掾則市石察書有不必言者矣又律歷志

有太史治歷郎中郭香豈其人歟 婁機漢隸字源

曰按繁陽令楊君碑陰有程勅則在漢非獨韓名勅

也勅雖本音徠說文勞也考之碑韓字叔節鄭字伯



嚴其義非勞徠之徠當讀爲飭漢碑范史多用勅字  
蓋是時上下皆通用初無拘也考之博古圖諸書  
有孝成鼎銘曰工玉褒造左丞輔掾譚守令史永省  
大官銅鐘曰考工令史右丞或令通主太僕監掾蒼  
省綏和壺曰掾臨主守右丞同守令寶省上林鼎曰  
工史榆造監工黃佐李負芻言省言監卽察書之類  
也孝宣本號中宗而此碑乃作仲宗按孝廉柳敏  
碑五行星仲廿八舍柳宿之精是亦以仲爲中也  
以孝武之求神仙爲登假之道按列子黃帝篇曰天  
王幾神人哉能窮當身之樂猶百年乃徂世以爲登

假焉莊子德充符篇曰彼且擇日而登假大宗師篇  
曰是知之能登假於道也若此蓋以爲千歲厭世去  
而上仙之意按曲禮告喪曰天王登假鄭氏注曰登  
上也遐已也上已者若仙去云爾是漢人之解登假  
皆以莊子之言爲據也

金石文  
字記

漢華嶽碑徐浩古跡記以爲蔡中郎書非也按邕傳  
云桓帝時五侯擅恣聞邕善鼓琴名之邕不得已到  
偃師稱疾而歸閒居翫古不交當世則無由至華山  
書碑可知宋洪适隸釋云郭香察者察蒞他人之書



金石錄卷二  
蓋謂古碑例不書名且謂東漢無二名故也此其說  
當矣有駁之者謂光武中興後詎猶遵莽制邪雖然  
予觀東漢人二名絕少惟漢宗姓則有之如廣陵侯  
元壽廣川王常保清河王延平齊王無忌之屬皆二  
名也及其他劉姓間有一二如校書郎劉駒駮更始  
侍中劉能卿赤眉牛吏劉使卿平原劇賊劉文河若  
庶姓則一名者十有九且以察書對市石於義尤合  
續漢書律歷志靈帝熹平四年五官郎中馮光等言  
歷元不正太史治歷郎中郭香劉固意造妄說云云  
此非即察書其人邪以靈帝熹平四年上距桓帝延

熹八年第十年耳十年之間由書佐遷郎中仕宦常

理也

馮景解春  
集文鈔

顧亭林謂漢碑未有列書人姓名者歐陽叔弼以香  
察為名殆非予考李翁邨閣頌列故吏下辨仇紉子  
長書此頌武班碑列臨菑嚴祺字伯魯書此碑漢碑  
何嘗無列書人姓名者

金石遺  
文錄

碑云京兆尹勅監都水掾霸陵杜遷市石按金石文  
字記云勅者自上命下之辭愚攷諸碑勅字上下通  
用王純碑勅大司農楊著碑詔書勅留皆用之在上  
者也此碑與史晨奏銘又勅瀆井復民西狹頌勅衡



官有秩李瑾摻仇審唐公房碑勅尉部吏收公房妻  
子皆用之在下者也辨

玉篇有玉字音粟音與玉工也點在中畫上與玉字  
點在下音義各別韻會正韻諸書皆沿其說此碑玉  
帛之贊玉字點正在上義止是玉不可以他音他義  
釋也蓋點之上下乃行筆小異不當從此妄生穿鑿

金石  
存

漢西嶽華山碑篆額左右有唐大和中李衛公諸人

題其下有宋元豐中王子文題幾無隙地鮎崎  
亭集

西嶽華山廟碑都南濠援徐季海古迹記以為蔡中

郎書趙子函云郭香乃菴中郎書耶今雖不能遽定

為中郎然金石文字記及曝書亭題跋皆謂後漢書

律歷志郭香即此人攷郭香之名見于五官郎中馮

光沛相上計掾陳晃奏中事下三府集議其時坐侍

中西北與光晃相難問者即蔡邕爾在熹平四年三

月九日也邕可以理香之說則香何不可以察邕之

書哉中郎集中楊秉碑正在延熹八年而秉又華陰

人也若碑中字體奇正互出古今迭用非中郎隸勢

所謂脩短相副異體同勢奇姿譎誕靡有常制者乎

即以一二字略言之如克字陵字皆加點與說文不



合而與古籀奇字體勢轉近夏承碑克字亦有點世  
或以夏碑亦出中郎雖難概信然其說正非無自也  
佩觿云李少監陽冰說蔡中郎以豐同豐又與此碑  
合矣凡此數者有一於此足以附質中郎之說而况  
有徐季海語可据乎 按今華嶽廟中趙文淵劉升  
八分諸碑上下左右皆有題識劉升碑有明河濱李  
楷叔則題云地震後古碑大為俗人所損所存於廟  
者寥寥數種耳据此則是碑毀於地震之說益為可  
信 予聞全謝山所藏豐學士萬卷樓本今在寧波  
范氏天一閣中既而知為嘉定錢辛楣少詹事所得  
未歸辛楣時海鹽張芭堂燕昌為雙鉤其本寄予蓋  
未剪標之全紙是以謝山有歷二百餘年不缺不爛  
之語篆額二行居中而微有迤向後之勢蓋前空者  
九行後空者八行而予向見標本未之知也額右云  
劍南西川節度使檢校兵部尚書成都尹兼口史大  
夫李德裕判官口口口口口供奉崔知白口口使司  
監察御史口 此間關幾度口 此間關幾 賈口都團練  
判官監察御史裏行李商卿大和四年十一月一日  
此下又云大和五年九月十三日華陰縣 下闕此二  
段文皆自  
後而 左云銀青光祿大夫行尚書兵部侍郎李德裕  
前



大和三年八月十六日自浙西觀察使檢校禮部尙

書兼御史大夫拜又云判官監察御史崔知白支使

監察御史崔瑄唐書百官志監察御史十五人凡十

支使巡官協律郎王式此皆自前碑內樂奏六歌句下

空石處云元豐乙丑歲戊寅月癸丑奉議郎知華州

軍州事王子文被旨設醮于嶽祠庚戌入內內侍口

內侍殿頭郝隨奉命躬詣致祭俱七日罷王子入內

口自內侍殿頭元易簡出使涇原朝謁會放齋宮子

文題皆正書也 此本明萬歷中嘗藏陝西東肇商

雲駒蔭商雲雛兄弟家尋以贈武平郭宗昌允伯允

伯命侍史史明靈偃輩重裝之時天啟元年正月四

日也一時名流書跋者十餘人入 國初華陰王宏

撰無異得之戒子孫不得輒乞人跋尾其後自北而

南歸歛之何氏上海黃文蓮星槎爲徽州學官乾隆

丙戌此本與山谷手書同時並獲癸巳余在江南將

北旋星槎自全椒來謁曰山谷書吾家物也此碑吾

與之數年俱足矣奇物當以歸公余乃攜之北行書

跋其尾按碑云高祖初興改秦淫祀史記封禪書高

祖詔曰吾甚重祠而敬祭今山川諸神當祠者各以

其時禮祠之如故也碑云太宗承循各詔有司其山



川在諸侯者以時祠之封禪書文帝即位始名山大川在諸侯諸侯各自奉祠天子官不領及齊淮南國廢令太祝盡以歲時致禮如故也碑云孝武皇帝巡省五嶽禋祀豐備故立宮其下漢書郊祀志於是濟北王以為天子且封禪上書獻泰山及其旁邑天子以他縣償之常山王有罪遷天子封其弟真定以續先王祀而以常山為郡然後五嶽皆在天子之郡又曰自封泰山後十三歲而周徧於五嶽四瀆也又考武帝紀南嶽巡省惟見於元封元年之詔曰朕用事華山至於中嶽餘不數書者則以宏農郡近在畿內

故也碑云仲宗之世重使使者持節祀焉歲一禱而三祠郊祀志宣帝五嶽四瀆皆有常禮惟泰山與河歲五祠江水四餘皆一禱而三祠也志又稱宣帝立三年尊孝武廟為世宗行所巡狩郡國皆立廟告祠世宗而碑稱孝武不稱世宗至仲宗仲字通中見平帝紀元始四年安漢公奏尊孝宣廟為中宗孝元廟為高宗天子世世致祭此則莽舉之而東漢建武以後承尊之者也按碑所引漢制歷歷粲然與遷固二書相發所謂徵而益信者與碑又云袁府君諱逢字周陽汝南女陽人按逢安曾孫後漢書袁安傳安子



京字仲譽京子湯字仲河湯次子逢字周陽也按湯  
桓帝初爲司空以豫議定策封安國亭侯食邑五百  
戶卒諡曰康侯長子成早卒次子逢嗣故碑稱逢曰  
安國亭侯也傳又稱靈帝立逢以太僕豫議增封三  
百戶後爲司空卒於執金吾贈車騎將軍印綬加號  
特進諡曰宣文侯碑載逢自宏農太守遷京兆尹在  
延熹八年越三年而靈帝入卽位爲建寧元年時逢  
已以太僕豫議則是桓帝永康之末逢自京兆尹遷  
太僕其自京兆尹以前之官傳悉略而不載也然則  
此碑之足以補益范書者又如此若夫碑字之工爲  
漢隸冠姑不必論今竊據六書以考是碑其可以見  
篆隸楷之遞變者有六一曰本字二曰古通字三曰  
與小篆合四曰變篆而意則存五曰變篆作俗書之  
備六曰篆變而楷不从按虛爲本字而今作墟詩升  
彼虛矣爾雅有崑崙虛之璆琳琅玕可證也禱爲本  
字而今作禱公羊傳夏曰禱注薦尙麥魚初熟可禱  
揚雄箴東鄰殺牛不如西鄰麥魚可證也華爲本字  
而今作華山海經大華之山削成而四方可證也馮  
爲本字而今作憑今經典所載惟尙書顧命憑玉几  
作俗憑字餘皆作馮可證也此本字一也壹與一通



詩壹發五紕是也脩與修通易脩辭立其誠是也假  
與遐通郊祀志假逖合處師古曰假卽遐字其字從  
彳是也趾與址通左傳略基趾注城足是也亨與享  
通易用亨于天子是也摩與磨通左傳摩厲以須王  
出是也大與太通詩大無信是也共與恭通詩序  
柏舟其姜自誓禮記是以爲共世子是也女與汝通  
漢書地里志汝南郡其縣女陽女陰師古曰女讀曰  
汝是也此古字通二也其侯字从人从厂象張布殷  
字从反身與字从同秦字从禾莖字从止戈豎字从  
𠂔風字从凡癢字从疒起字从夭从止从巳精字从  
丹銘字从令从金在土中甘字从口奮字从申州字  
从重川帷字从篆文心恭字从心尉字从卪陰字从  
今从云監字从臥从卩省會字从古文囟此與小篆  
合三也其寢字作寢而不作寢其字作其而不作其  
季字作丰而不作年農字作農而不作農利字作利  
而不作制達字作達而不作達巖字作巖而不作巖  
荒字作莖而不作荒梁字作梁而不作梁雝字作雝  
而不作雍屨字作屨而不作屨斂字作斂而不作斂  
香字作香而不作香此變篆而意則存四也至於周  
从用而作周禮从示从豐而作禮虫从虫从一而作



之通从弓从用而作通气象形而作氣歲从步戌聲  
 而作歲憂从頁从臼从夂而作夏擊从尸从収从手  
 而作承認从刀从口而作詔時从虫从寸而作時豐  
 从豆上象形而作豐饜从饜而作饜肴从止在舟上  
 而作前亾从入而作亡鹵為鳥在巢上象形而作西  
 深从突而作深坐从土叕聲而作垂亏从亏从一而  
 作于桑从彡而作棄穉从舛叕聲而作薺溱从萑而  
 作漢兼从秝从又而作蕪章从音从十而作章馨从  
 香而作馨吉从士而作吉馨从亾叕聲而作無明从  
 日月而作明京从高省而作京陵从麦而作陵得从

見从寸而作得掾从彖而作掾德从直而作德勅从  
 束而作勅穎从水而作穎此變篆作俗書之備五也  
 又施作施是作是虞作虞原作原峻作峻朔作朔斲  
 作致此篆變而楷不从六也記曰瑕不掩瑜瑜不掩  
 瑕謂之君子之貴玉故具言此碑得失是非之不相  
 掩輒錄如右以質諸深於六書者考之

朱筠笥  
河文鈔

此碑世有兩本一為商邱宋氏學所藏一為華陰王  
 宏撰所藏皆宋搨也宋氏本雍正初姜任修摹刻于  
 揚州郭本今為曲阜孔繼涑所刻兩本字殘泐處悉  
 同世又有所謂全本則不足信

關中金  
石記



碑云延熹四年宏農太守安國亭侯汝南袁逢又云  
 袁府君會遷京兆尹又云袁府君字周陽汝南汝陽  
 人案後漢書侯覽傳京兆尹袁逢於旅舍聞參車云  
 云崔實傳實建寧中病卒太僕袁逢備棺槨葬具靈  
 帝紀光和元年屯騎校尉袁逢為司空趙壹傳光和  
 元年舉郡上計是時司徒袁逢受計司徒當作司空  
 蓋誤也荀爽傳司空袁逢舉有道不應袁術傳術汝  
 南汝陽人司空逢之子也術謂羣下曰吾家四世公  
 輔章懷注云袁安為司空子敞及京京子湯湯子逢  
 並為司空案延熹四年至光和改元凡十八年逢由

太守遷京兆歷太僕校尉而進司空史傳皆有明徵  
 其卒官則執金吾也其亭侯則襲父湯爵也袁安傳  
 湯桓帝初為司空以豫議定策封安國亭侯食邑五  
 百戶次子逢嗣逢字周陽以累世三公子寬厚篤信  
 著稱於時靈帝立逢以太僕豫議增封三百戶後為  
 司空卒於執金吾朝廷以逢嘗為三老時優禮之使  
 五官中郎將持節奉策贈以車騎將軍印綬加號特  
 進諡曰宣文侯此碑前賢著錄皆不及逢余謂建碑  
 者逢也碑云京兆尹勅監都水掾霸陵杜遷市石不  
 遣書佐新豐郭香察書京兆尹即逢也  
 可略因據范書著其世系官階於篇柱頽跋



碑云唐虞疇咨四嶽五歲壹巡狩皆以四時之中月  
各省其方親至其山柴祭燔燎夏商則未聞所損益  
質之鄭志鄭答孫皓云唐虞之時五載一巡狩夏殷  
之時天子六年一巡狩禮文殘缺雖于二代之制有  
所未定康成大儒其說必授自師承則損益在夏商  
已約略可按而碑既云未聞康成又云蓋以疑之亦  
以無正文不自爲斷制如此然則古之立言者蓋其  
慎也金石文字記證此碑香察非名因及於漢碑未  
有列書人名者案洪所收武斑與羊竇道碑並載書  
人姓名則漢碑固有之矣

授堂金石跋

按額題西嶽華山廟碑虞書以華山爲西嶽至周

都鎬京則華山轉在邗畿之東不得稱西故改吳

山爲西嶽

詩崧高正義引雜問志云周都豐鎬故以吳嶽爲西嶽

而以華山

爲河南豫州之鎮至周平王遷都維陽因以華山

爲西嶽而其山在秦晉楚三國之間亦無望祀之

文至秦都咸陽漢都長安皆在山之西故自周至

東漢一千一百餘年雖修禋祀而不以西嶽名至

光武徙都洛陽始復其舊故是碑始稱西嶽也碑

末丞張昇字少游隸釋云碑以昇爲昉昉二字

皆說文所無徐氏新附昉字云明也按隱五年公



羊傳昉于此乎熹平石經作放鄭注攷工記旒  
 如放此乎之放知經典本無昉字列子黃帝篇衆  
 昉同疑釋文亦云昉或作放而碑有張舅蓋漢時  
 俗字石經亦中郎所書而不作俗體古人慎守經  
 訓如此郭香察書弇州跋據漢人鄧廣德梁不疑  
 諸名謂東漢原有雙名辨察書之非是然古人多  
 有以字行者且以察字命名姚察以前史不多見  
 其卽律歷志之郭香無可疑矣此碑久毀拓本存  
 于今者大興朱氏所藏卽明陝西東雲駒兄弟家  
 藏以贈武平郭宗昌者此本後又歸商邱侯氏乾  
 隆初上海兵部侍郎凌公如煥督學河南得之黃  
 君文蓮與凌同鄉且有戚遂歸黃氏尋又爲同年  
 朱君筠所得也又錢詹事大昕得鄆縣天一閣所  
 藏全本蓋未經割裂其碑式可與隸釋互証最爲  
 可寶聞近亦失去初終以未見爲恨云

華嶽廟殘碑陰

高四尺五寸廣一尺四寸第一列存者七行第二列惟四行有字可見餘皆斷闕今在華陰縣

民故吏都大守口口口躬尊節

故功曹司隸茂中司空掾池陽郭旺公休  
 故功曹司空掾池陽吉攀伯所



故功曹司空掾蓮勺田己叔鸞

故功曹司空掾池陽吉充叔十

故功曹大尉掾頻陽游殿多齊

故功曹大尉掾池陽古苗元裔

古

故督

故五

故

右武都太守等題名其七行稽其官制地名是漢時碑陰無疑然攷隸釋隸續及金石集古等錄並無此

刻乾隆四十四年修理嶽廟五鳳樓下所出古碑殘

石甚多此為稱最焉

關中金石記

右華嶽廟殘碑陰七行兩列凡十一人下列殘破人

名不可識隸辨蓮字注以為劉寬碑陰按劉寬二碑

一為故吏李謙等所立一為門生郭異殷苞李照等

所立此云故民故功曹自是李謙一碑惜其名不存

也近日錢唐趙晉齋親至二華搜求古刻所搨此種

僅存上列四十字并曼節郭暉等名不可得見然則

此搨猶為世所希有可不益加寶惜哉

涵真閣漢碑文字跋

禹陵窆石題字



石高六尺廣五尺三寸行字數俱無攷今在紹興府禹廟

舊經云禹葬以此石為窆禹穴在龍瑞宮之側東萊

云大石中斷成罅殊不古殆非司馬子長所探也王象

之方輿勝覽

予攷窆石之制不載於聶崇義三禮圖攷惟周官冢

人之職及窆共喪之窆器及窆執斧以泣鄭康成以

為下棺豐碑之屬圖經禹葬於會稽取石為窆石本

無字迨漢永建元年五月始有題字刻于石此王厚

之復齋碑錄定為漢刻殆不誣矣石崇五尺在今禹

廟東南小阜覆之以亭相傳千夫不能撼及歲在乙

酉有力士拔之石中斷部下健兒迭相助及拔陷地

纔扶寸爾土人塗之以漆仍立故處載攷古之葬者

下棺用窆蓋在用碑之前碑有銘而窆無銘驗其文

乃東漢遺字趙氏金石錄曰曰窆石銘誤

曝書亭集

今窆石在禹廟東側南向頂上有穿狀如秤錘 國

朝康熙初浙江督學張希良曾拓之以意屬讀得二

十九字蓋漢代展祭之文尋其隅角當為五行行十

六字其下截為元季兵毀依韻求之則其下當闕六

字也今惟有玉石并天文等字隱隱可辨其旁有宋

人分書題名一行據舊志所稱有楊龜山題名竟剝



落無一字矣

平恕新脩  
紹興府志

按窆石題字在石下方字大二寸許金石錄及圖  
經並以爲永康元年五月所刻而趙氏又誤釋作  
銘是宋時拓本已不甚了了張氏所讀二十九字  
其釋文今未得見昶以精拓本驗之惟日年王一  
并天文晦真九字可辨耳右旁題字九行云□□  
□□□□□□□□從事郎吳□□□□□□□□  
□□□□□□朝夫□被命□□□□□□拜禹陵□  
賦此詩以紀盛□云□□□□無暇日□□□見  
聖躬勞古陌□□□□氣梅梁□海作波濤至今

遺迹衣冠在□□安□魑魅逃欲覓□陵尋窆石  
山僧爲我翦蓬蒿凡一百四字正書當是宋元人  
所鐫而年月全蝕矣左旁宋人題名二行云會稽  
令趙與陞來遊男孟握侍凡十二字隸書後又有  
元人題名二行云員嶠真逸來遊皇慶元年八月  
八日凡十四字行書



金石萃編卷十一終

金石萃編卷十二

賜進士出身 誥授光祿大夫刑部右侍郎加七級王昶撰

漢八

執金吾丞武榮碑

碑高七尺二寸五分廣一尺九寸五分十行行三十字額題漢故執金吾丞武君之碑十字隸書陽文今在濟寧州學

君諱榮字含和治魯詩經韋君章句闕憤

傳講孝經論語漢書史記左氏國語廣學

甄微靡不賁綜久游太學頽然高廡鱣於

雙匹學優則仕為州書佐郡曹史主簿督



鄒五官掾功曹守從事奉世六汝南蔡府

君察舉孝廉□□即中遷執金吾丞遭孝

桓大憂支守廟諱武憊哀悲慟如遇害氣遭

疾真靈□□□□君即吳郡府卿之中子

敦煌長史之次弟也廉孝相承亦世載德

不忝□□□□命□不竟台衡蓋觀德於

始述行於終於是刊石勒銘垂示無窮其

辭曰

天降雄彥資才卓茂仰高鑽堅允文允武

內幹三署外□阡旅□勒毛守舊威□武

旌旗絳天雷震電舉敷耀赫然然陵惟哮廟

當遂股肱□之元輔天何不吊降此□咎

瘳乎我君仁如不壽爵不副德位不稱功

咸裏傷愴遠近哀同身沒□□萬世諷誦

右漢執金吾丞武君之碑隸額在濟州武君名榮也

郡君名開明敦煌君名班榮之亡在靈帝初漢興也

申公為詩訓故齊轅固燕韓嬰皆為之傳又有毛氏

之學故曰詩分為四申公授瑕邱江公韋賢治詩事

江公傳子元成皆至丞相孫賞以詩授哀帝至大司

馬魯詩有韋氏學此云治魯詩經韋君章句者此也



闕幘者未冠之稱語在武梁碑中鱣古鮮字鱣於雙

匹者鮮雙寡匹也

釋隸

武榮碑集古錄載其名金石錄並不載然榮之父吳

郡丞武開明兄燉煌長史武班俱有碑載金石錄何

以獨遺此碑耶

庚子銷夏記

漢制執金吾一人丞一人月三繞行宮外戒司非常

水火之事秩六百石緹綺二百人輿服導從光滿道

路光武嘗歎曰仕宦當作執金吾而樂府古歌辭稱

陛下三萬歲臣至執金吾蓋中興以後官不常置榮

之本末惜碑文已漫滅年月無考僅存其廓落焉爾

亭集

武君治魯詩經韋君章句洪氏云漢興魯申公為詩

訓故齊轅固燕韓嬰皆為傳又有毛氏之學故曰詩

分為四子考之傳志而知洪說之誤藝文志詩經二

十八卷魯齊韓三家立博士河間大毛公傳自子夏

不得立儒林傳言詩于魯則申培公事浮邱伯為訓

故弟子瑕邱江公盡傳之韋賢治詩事博士大江公

即瑕邱江公有韋氏學毛詩正義序曰漢氏之初詩分為

四申公騰芳于鄆郢毛氏光價于河間貫長卿傳之

於前鄭康成箋之於後洪氏用此語以申公轅固韓



嬰毛萇為四與正義乖矣後漢伏湛弟黯定齊詩章句杜撫定韓詩章句張匡作韓詩章句傳魯詩者如元王許生徐公王式張長安唐長賓褚少孫薛廣德龔勝龔舍高嘉嘉孫詡李昺魯恭李業魯丕包咸魏應陳重雷義皆無章句韋氏世學魯詩使有章句為榮誦習豈遂遺於載記不與齊韓並存也耶然榮去韋氏未遠似亦不妄或魯詩亡于西晉并此章句失傳未可知也其曰痛乎我君仁如不壽春秋星隕如雨釋者曰如而也歐公于郭輔碑寬舒如好謂施于文章以如為而者始見之而不知又有此碑也金石錄

碑文有云遭孝桓大憂戚哀悲慟遭疾隕靈桓帝崩於永康元年十二月武君之卒必在靈帝初年也隸辨

漢書食貨志鹽鐵錢布帛五均賒貸幹在縣官師古曰主領也幹音管字從斗竇憲傳內幹機密劉向傳

幹尚書字皆從干而音義與幹無異疑皆幹字轉寫之譌此碑內幹三署隸釋署字猶存幹字義亦作幹蓋其相

沿已久譌幹為幹有由來矣金石存碑凡十行前叙後銘中界裁畢虛其半無文字它碑

少似此形制金石圖

是碑叙武君家世父兄於卒後又稱其父兄之官而



不稱名又稱其年卅六及其遭桓帝喪卒而不書某年月日是皆金石文之例所宜記者從來為金石例者潘文儂不叙唐以前文王止仲墓銘舉例知有隸釋諸碑而未能一一溯其本始黃黎洲金石要例雖引及東漢六朝之文而於漢碑亦未之能詳也若以洪趙之書合之後來出土諸碑分門別類件系而條舉之庶幾於貞石文有所稽考也矣

歎即敷字匹即匹字惛即勸字

兩漢金石記

續漢書百官志元武司馬主元武門屬衛尉不屬執

金吾此以執金吾屯元武者國有大喪備非常也漢

初舉孝廉無限年之令自順帝陽嘉元年用左雄之

言令郡國舉孝廉限年四十以上諸生通章句文史

能賤奏乃得應選其有異才異行若顏淵子奇不拘

年齒由是廣陵徐淑以年未四十為臺所詰而罷之

矣榮年卅六為汝南蔡府君察舉其才行必有過

者以非常格故碑特著其年也

潛研堂金石文跋尾

碑末萬世諷誦誦字宜讀如容始與上句遠近哀

叶韻詩小雅家父作誦以究王誥又楚辭九辨自厭

按而學誦信未遠乎從容皆是也其云亦世載德者

以亦為奕也

山左金石志



王宏撰以碑額作陰文凸起他碑所無余十餘年所  
集拓本多覓之搨工未及全收額題後惟親往手摹  
如漢太室闕篆字正銘陰文凸起魏公卿上尊號碑  
額唐麓山寺碑額周公祠碑額王行滿書聖教序碑  
額宋仁宗御書飛白賜陳繹碑額並陰文凸起又龍  
門山老君堂一造像磨崖小碑題爲始平公者文皆  
用陰字此乃他碑所希見耳王君蓋未覩也隸續陳  
球碑篆  
額二行黑字王純碑篆額二行黑字淳  
于長碑篆額二行黑字 授堂金石跋  
按執金吾者吾猶禦也應劭曰執金革以禦非常  
也執金吾屬本有式道左右中候三人車駕出掌

在前清道還持麾至宮門宮門乃開中興但一人  
又不常置每出以郎兼式道候事已罷不復屬執  
金吾其秩執金吾一人中二千石丞一人比千石  
漢官秩則云比六百石所率緹綺二百人五百二  
十人輿服導從光滿道路羣僚之中斯稱壯矣碑  
銘云旌旗絳天雷震電舉敷耀赫然陵惟哮虎蓋  
形容其光滿道路之盛也後漢書禮儀志大喪登  
遐閉城門宮門近臣中黃門持兵虎賁羽林郎中  
署皆嚴宿衛官府各警北軍五校繞宮屯兵黃門  
令尙書御史謁者晝夜行陳碑稱孝桓大憂屯守



元武者即繞官屯兵之事也桓帝崩無子城門校尉竇武定策至河間奉迎靈帝入嗣大統自永康元年十二月丁丑帝崩之日至建寧元年正月庚子靈帝即位相距二十四日之久其時都城無主太后臨朝羣臣皇皇非尋常國喪可比宮城屯守之嚴責任非輕時又嚴寒勞勩倍至碑所謂加遇害氣遭疾隕靈者是也碑又云慙哀悲惓慙即慙字說文戚从戊从尗隸變从伐从卅楊統碑貴戚專權韓敕碑陰彭城廣戚戚皆作戚可證或釋為哀感非是顧氏隸辨惓字下引此碑云感哀悲惓慙感字下又引作慙哀悲惓一語而兩歧之其誤滋甚慙字說文所無古只作惓景君碑云驚惓此云悲惓皆是徐鉉校定說文新附慙字贅矣

沛相楊統碑

碑文從喪本摹錄行字數俱不可紀額題漢故沛相楊君之碑八字篆書石今毀

君諱□□□□□□□□富波君之□  
 子也□天□性少有令問敦□孝呂勅內  
 □名行呂脩外詔□□烈隆構窳基既仕  
 州郡會孝順皇帝西巡呂掾史召見帝嘉  
 其忠臣之苗器其璆璠之質詔拜郎中遷



常山長史換榷為府丞君雖詘而就之呂

順時政非其好也迺翻然輕舉臯司累辟

應丐司戎州察茂才遷鮑陽侯相金城太

守德呂化圻民威呂懷殊俗慕義者不肅

而成師服者變衽而屬疆易不爭障塞霖

事功顯不伐委而後為直南蠻蠢迪玉出

師征呂君文武備兼廟勝光戰拜車騎將

軍從事軍還策勲復呂疾辭後迺徵拜議

郎又官中郎將沛相天吏之治副當神人

秩禮之選舉不踰賢故望大和則俟生毓

貴微專權不稱請來考績不論徵還議官

季五十六建寧元年三月癸丑遘疾而卒

朝廷愍惻百僚歎傷口民殫爾莫不隕涕

故更戴條芻追在三之分感秦人之哀顯

茲贖其繇由庶考斯之頌儀鹵鑿石立碑

知銘鴻烈光于億載俾永不滅其辭曰

明明楊君懿錄其德其德伊何舌忠官力

勤止寂身帥口靡革暮茲英猶道呂經國

班化勳元既清且寧武稜攜貳文懷微冥



遠人斯服份本充庭剛果波得呂和呂平  
勲速藹矣其與爭光甘棠遺愛東征企皇  
念波恭人怒焉永傷立言不朽先民所臧  
載名金石貽于无疆

右漢沛相楊君碑在閩鄉楊震墓側碑首尾不完失  
其名字按後漢書震及中子秉秉子賜賜子彪皆有  
傳又云震長子牧富波相牧孫奇侍中奇子亮陽成  
亭侯又云少子奉奉子敷敷子衆務亭侯又有彪口  
子修楊氏子孫載于史傳者止此爾不知沛相為何  
人也

集古錄

右漢故沛相楊君之碑篆額碑缺不知其名髣髴有  
富波君字按楊震碑云長子牧富波侯相牧子統金  
城太守沛相則知此為楊統碑也順帝以其忠臣之  
苗特召為郎歷常山長史犍為府丞鮑陽侯相金城  
太守車騎將軍從事議郎五官中郎將沛相以靈帝  
建寧元年卒故吏戴條等共立此碑其從昆弟高陽  
令著碑陰題名所云沛君者即統也此碑辭翰俱妙  
以百寮作百遼以遐邇作假爾輿即輿字續即續字  
類即願字官即克字  
威即威字  
速即速字震子孫名見于史者數人富波相及其孫  
衛尉奇皆在焉統居其中而不見錄亦史策之闕遺



也隸釋

楊統碑篆額二行有穿碑十四行行三十五字孝  
皇帝平闕穿在九十一行之上漢碑額惟暈式不  
同或在其中或在其左右惟穿則無不居中者此碑  
後有餘石打碑者去之非穿之偏也隸續

右沛相楊統碑字畫多與隸釋不合如宰作宰顯作  
顯元作元舉戮作辜戮求作來官作官份作份之類  
其元不可解者委而復焉焉字竟作為字觀其刻畫  
顯者與全碑神氣不侔直是後來俗工就其漫漶處

漢書刊刻之殊可恨也 涵真閣漢碑文字版

按此即昶所藏宋拓楊氏四碑之一沛相不知其  
字亦不見于後漢書碑中所缺字數俱與隸釋不  
合想被裝潢手割損也碑云百僚歎傷口民殺爾  
莫不隕涕僚字明从人傍而洪氏誤釋作遼且跋  
云以百寮作百遼不可解矣又云願從贖其轡由  
庶考斯之頌儀按閼宮詩詩說以為史克所賦未  
云新廟奕奕奚斯所作毛傳鄭箋並以爲奚斯作  
廟而漢儒行文多誤解作字與家父作誦吉甫作  
誦寺人孟子作為此詩之作同例楊子法言正考  
甫嘗晞尹吉甫公子奚斯晞正考甫後漢書曹褒



傳昔奚斯頌魯考甫咏殷班固兩都賦序故臯陶  
 歌虞奚斯頌魯王延壽魯靈光殿賦故奚斯頌僖  
 歌其露寢又度尙碑於是故吏感清廟之頌嘆斯  
 父之詩張納功德叙庶慕奚斯口口之義費汎碑  
 感奚斯之義楊震碑頌有清廟故敢慕奚斯之追  
 述劉寬碑有感殷魯述德之頌綏民校尉熊君禮  
 昔周文公作頌宗成考父公子奚斯追美遺蹟如  
 述前勲曹全碑嘉慕奚斯考父之美張遷表奚斯  
 讚魯考父頌殷及此碑並指正考甫公子奚斯正  
 言後漢書文選兩注引薛君韓詩章句云奚斯魯  
 公子也言其新廟奕奕然盛是詩公子奚斯所作  
 也或東漢三家詩並行用魯頌者獨從韓詩因作  
 是解亦未可知因碑中考奚斯二字隸釋未揭其  
 義且洪氏但于楊震碑跋云奚斯所作蓋謂作廟  
 此及張納費汎碑皆誤用云云所舉多漏故中其  
 說頃見武君億羣經義證詳辨此義尙有陳思王  
 承露盤銘序一條亦承漢人之誤惟兩都賦序及  
 張納碑二條武氏未引餘與昶說同

竹邑侯相張壽碑

碑爲明人截爲碑趺僅存上截高二尺九寸廣三尺  
 六寸五分十六行行存十五字今在城武縣孔廟



君諱壽字仲吾其先蓋晉大夫張老盛德之裔世載勳遵帥紀律不忝厥緒爲冠

帶理義之宗君孝及恭懿明允篤信崇

經雅習父東光君業兼綜六藝博物必識

略涉傳記矯取其用股肱州郡匡國達賢

登善濟可登斑叙優能正躬帥陪臨疑燭

照確然不撓有孔甫之風舉孝廉除郎中

給事謂者贊衛王臺婁忠謇上嘉其節

仍授命莢匡其京輦昭德塞違內平外成

舉無遺愆遷竹邑侯相明德慎罰縣奉采

士遭江揚剽賊上下征役賦彌年萌于

戈杼軸罄殫君下車崇尚儉節躬自菲

薄儲侍非法悉無所留并官相領省倉

小府御史朝無姦官野無滯寇教民樹藝

三農九穀稼耒滋殖國無灾祥歲聿豐穰

皤白之老率其子弟以循仁義蟬賊不起

厲疾不行視事年載黔首樂化戶口增多

國寧民殷功刊王府授輜邦對揚其勛

功曹周憐前將放濫君微澄清憐顧愆悔

退督邳周紘承會表奉君常懷色斯舍無



宿儲遂用高逝老弱相携揆持車干人以

上沛相名君駱驛要請君捐祿收名固執

不顧民無所叩國違所賴上下同感州郡

聞知旌弓禮招復為從事觀覲肅視不折

其節辟司徒府進退以禮含宏內光頤

皓爾頤天不悌邁疾無瘳年八十建寧元

年五月辛酉卒嗚呼哀哉夫積循純固者

為天人所鍾功假於民者敘在銘典於

訪諸儒林刊石樹碑式昭令徽其辭曰

亮元德於我君膺情茂體懿純超三署垂

司清公口緩薄賦收邦畿黎烝殷門荒饑

感臣臣哀其靈竭輕舉口來征民歎思暨

與人宰府命遂遂口名振射口彌闡垂令

紀永不刊于骨德不復昆

右漢故竹邑侯相張君之碑隸額張君名壽以孝廉

為郎嘗相竹邑靈帝建寧元年卒張君治功曹周憐

之過反為督郵周紘所窘至於捐祿而歸此風古今

一也前史多以牟為孟海廟碑嘗借伴字隸釋

竹邑侯者彭城靖王恭之子阿奴明帝永初六年封



見熊方後漢書同姓諸王年表曝書亭集

張君諱壽晉大夫張老之裔而不言其籍里碑以習

為襲婁為屢崧為蠡觀觀為耽耽頤為旻黎為黎殿

為奠此音之假借者也以盞為蓋忝為忝器為恭孔

為孔邑為邑墜為野老為老櫜為攀憾為感吼為宏

皓為皓悌為弔聵為疾莪為哉弛為弼皆為胥則字

體之加變也說文耽視近而志遠也引易虎視眈眈

又耳下垂為耽俗書引易誤作耽轉作耽不若此碑

之觀觀其音相同使人皆知其為借也夫金石後錄

碑以班為班字此洪氏所未舉者以婁為屢則漢書

多有之 碑字淳古與孔彪碑相類牛氏擬以白石

神君碑謂開魏隸之法然是碑隸法實在白石神君

碑之上也兩漢金石記

右碑僅存上一段每行十餘字中間又鑿去四十字

即明時入斷為碑趺者今在城武縣說文耽視近而

志遠也觀內視也觀與耽音同而義亦相近先儒傳

易皆作虎視眈眈此碑乃作觀觀是古人固通用矣

王輔嗣釋眈眈以為威而不猛碑云觀觀固視不折

其節意亦相類也婁機云碑在單州城武宋時本隸

單州也潛研堂金石文跋尾



案縣志鄉賢有張壽傳事蹟多本此碑惟云累官右  
諫議大夫尚書右丞則志所增也又稱卒葬文亭山  
後墓如陵阜今山在城西北一里又名雲亭山有古  
柏數株傳為漢唐時物墓在與否無可考矣

山左金石志

衛尉卿衡方碑

碑高七尺廣四尺四寸二十三行行三十六字額題  
漢故衛尉卿衡府君之碑十字隸書今在汶上縣

府君諱方字興祖肇先蓋堯之苗本姓口

口則有伊尹在殷之世號稱阿衡因而氏

焉口口口土家于平陸君之烈祖少已濡

術安貧樂道履詠顏原兼俯季由聞斯代

諸砥仁癘口口口口土階夷愍之貢經棠

伯之賔位左馮翊先帝所尊番名竹泉孝

廬江太守兄癘門太守口口口孝長發其

祥誕降于君天資紘鼓昭前之美少已文

塞敦龐允元長百欽明耽詩悅書口口口

秋仕郡辟州舉孝廉除郎中即止焦相膠

東令遵尹譯之渠保郵二城桑國起按班

敘口口口本肇末化速郵置州舉尤異遷

會稽東部都尉將繼南仲部席之軌飛翼

軫之旌操梟口口口綏未王之靈會喪太



夫人感背人之凱風悼慕儀之効勞膺  
苦田仍留上言倍榮向哀禮服祥除徵拜

議郎右北平太守尋李廣之左邊恢魏絳

之和戎戎戢士佚費省巨億懷□□□□

靜有績遷潁川太守滙清滌后招拔隱逸

光大茅茹國外浮談淡界縲動氣泄狂□

□□□□歸未洙泗用行舍臧徵拜議郎

遷大醫令京兆尹舊都餘化詩人所詠並

有亡新君□□□□隆寬慄鶉火光物隕

霜剋姦振滯起舊存亡繼絕恩降乾忝威

肅剋川本朝錄功入豈衛□□翼紫宮風

爽惟寅禕隋左公有單襄穆蕤謨之風詔

選賢良招先逸民君務在寬失順其文樂

已從政者退就勅中永康之末君衛孝桓

建寧初政朝用舊臣留拜步兵校尉零六

師之附維時假階將授緼職受任決旬庵離

膺疾年六十有三建寧元丰二月五日癸

丑卒詔遣使□□弔賻礼百啗臨會莫不

失聲其年九月十七日辛酉蓋雅頌興

而清廟肅中庸起而祖宗□故仲尼既歿



諸子綴論斯千佗歌用昭于宣謚曰旌德

銘曰勒勲於是海內門生故吏□□□采

嘉石樹靈碑鐫茂茂秘將來其辭曰

峨峨我君懿烈孔絜高朗神武歷世忠孝

馮隆鴻軌不悉前人寬猛不主德義是經

韜綜頭□溫故前呈魁英接香踵迹晏平

初瓌百里顯顯令聞濟康下民曜武南會

邊民是鎮惟□□□憂及退身衆議帝室

剖符守藩北靖□□有□有聲旋守中愆

幽滯曰榮邁種舊京□□□舍澤戴仁

耀此聲香能愆能惠克亮天功人統□□

糾糾光光法言稽古道而後行競競業業

素絲羔羊閭閻侃侃禦又昂昂蹈規履渠

金玉其相寥寥王臣羣公憲章樂旨君子

□□无疆銘勒金石□□□□問□□

萬世是傳門生平原樂陵朱登字仲□□

碑云感昔人之凱風悼蓼儀之劬勞以蓼莪為蓼儀

他漢碑多如此蓋漢人各以其學名家故所傳時有

異同也金石錄



右漢故衛尉卿衡府君之碑隸額建寧元年立趙氏  
 誤以為三年衡君名方歷郎中郎邱侯相膠東令會  
 稽東部都尉召拜議郎為右北平潁川兩太守再除  
 議郎遷太醫令京兆尹碑有本朝錄功入登衛七字  
 衛下闕文必尉字也又云永康之末君衛孝威建寧  
 初政朝用舊臣留拜步兵校尉蓋靈帝初立更易朝  
 士自九卿而作五校殆是左遷故碑首舉其尊者稱  
 之碑云海內門生故吏采嘉石鑄靈碑末有小字門  
 生朱登題名則其人也銘文甚溫潤如云鶉火光物  
 隕霜剽姦尋李廣之在邊恢魏絳之和戎唐人誌墓  
 多用此體雖柳子厚少作亦然履該顏原謂顏子原

憲也禕隋即委蛇出韓詩內傳碑以儒為儒倍為背  
 淡為痰視為衰庵為

奄太即太字盧江鴈  
 門皆從疒 隸釋

洪丞相謂碑云履該顏原即顏淵原憲子觀其下繼  
 之云兼修季由蓋仲由一字季路季由即季路也金

琳

履該顏原兼修季由洪氏以顏原為顏淵原憲而都  
 太僕以季由為仲由字季路即是一人與兼修之義  
 不協按史記仲尼弟子傳公皙哀字季次孔子曰天  
 無道多為家臣仕於都惟季次未嘗仕遊俠傳季



八原憲終身空室蓬戶褐衣疏食不厭死而已四百  
餘年而弟子志之不倦然則季乃季次也四人皆安  
貧守道之士故並舉言之其一字一名亦古文之所  
嘗有也

金石文  
字記

碑述其先伊尹在殷號稱阿衡因而氏焉按趙氏金  
石錄載浚儀令衡立碑亦云出自伊尹合之應劭風  
俗通無異或云魯公子衡子孫因以為氏則各有所  
本也

曝書  
亭集

右碑趙錄云蓼莪為蓼儀蓋漢人各以其學名家子  
按是碑以委蛇為禕隋出韓詩內傳而知其所傳乃

韓氏學也漢碑字多假借大約其音相同未有如是  
碑之變者將授緹職以緹作兌庵離寢疾以庵作奄  
耀此聲香以聲作馨踏規履渠以渠作矩讀者須以  
意逆而得之銘云樂旨君子以旨作只顏氏干祿字  
書旨旨七俗下正旨字漢人用之而云俗何也

金石  
後錄

右碑金石錄以為建寧三年二月立洪氏已辨其誤  
金石文字記又為三年六月亦誤也 碑云感背人

之凱風悼蓼儀之劬勞趙德甫以蓼儀即蓼莪然矣  
至背人二字乃置不論予按背人即抑人也廣韻抑  
同鄙紂畿內地名碑以鄙作抑克長克君作尅能哲



能惠作恚非盡假借必當時經師所傳有此異本也  
隸釋云禕隋字出韓詩內傳內傳久不傳未知洪  
氏何據經典釋文引韓詩但作透迤 容齋五筆言  
委蛇字凡十二變一曰委蛇二曰委佗三曰透迤四  
曰倭遲五曰倭夷六曰威夷七曰委移八曰透移九  
曰透虵十曰蛟蛇十一曰透迤十二曰威遲今此碑  
又作禕隋唐扶碑作透隨劉熊碑作委迤枚乘兔園  
賦作委移博雅賦陝險也文選薛注周道威夷險也  
則賦陝亦委蛇之別體而字書尙有蛟虵蟻虵隲隲  
之異此二字固不止十二變洪公尙考之未盡也

存

碑在汶上縣西南十五里平原郭家樓前南向以建  
寧元年立雍正八年汶水泛決碑陷臥莊人郭承錫  
等出貲復建焉

金石圖

此碑近時所揭以校隸釋所有尙不及其半焉中有  
云階夷愍之貢經常伯之寮謂其以孝廉察舉而爲  
郎中也夷謂伯夷愍謂閔子古閔愍通用如春秋諸  
侯之諡閔者亦作愍也碑中兩寮字金薤琳瑯皆誤  
以爲賓豈傳錄之不審耶碑云感背人之凱風詩邶  
亦作鄙此併省去邑不虞不陽卽不吳不揚參國起



按本之齊語下本肇末上缺一字必溥字也寢闈苦  
 由下今缺一字而洪氏本則為仍字其下所注缺字  
 今本則頗似困字形碑云詔選賢良招先逸民君務  
 在缺失順其文舉洪氏本如此余諦視碑則洪云缺  
 者頗似寮字其失字上半剝泐實非失字乃英字也  
 時詔書令選賢良務先逸民而衡君欲舉其寮之賢  
 者又欲順詔書之文故下云已從政者退就勅巾蓋  
 令其棄官而就舉也隸釋於含澤戴仁下注云缺六  
 字其實止缺二字此則都氏本不誤也抱經堂文集  
 皆夷愍句上土字是土非土也實即寮字檻即攬字

也苦由仍下是留字君務在下是覓字今尚皆隱隱

可辨洪以為闕者亦拓本偶不見耳兩漢金石記

衡氏家于平陸祖父以來世為大官范史不立公卿

表故方之拜罷年月無考祖左馮翊並佚其名矣云

恩隆乾太威肅剝𠄎太即泰字𠄎即坤字說文太古

文泰義無二訓故卦名亦可作太也云感背人之凱

風陸德明釋文邨本又作鄩顏師古注漢書亦云然

碑蓋从鄩而省其邑也云不虞不陽不吳不揚之別

古人吳虞多通用泰伯弟仲雍以居吳稱吳仲雍而

左氏傳論語皆作虞仲是其證也說文吳姓也亦郡



也一曰吳大言也是吳敖之吳與吳越之吳無別體  
矣陸德明謂吳說文作吳又引何承天從口下大之  
說毋乃誤讀說文乎孔氏詩正義謂鄭讀不吳為不  
娛人自娛樂必謹謹為聲今此碑作虞虞娛亦通用  
字也碑又以寬慄為寬栗聲香為馨香邵虎為召虎  
疵為庇誣為謚剋長剋君剋卽剋字蹇蹇王臣蹇卽  
蹇字樂旨君子旨卽只字皆鄱陽洪氏所未及舉也

潛研堂金石文跋尾

碑文云建寧元年二月五日癸丑卒二月當是三月  
之訛据沛相楊統亦以是年三月癸丑卒又下文云

其年九月十七日辛酉葬合計小盡逆推至三月辛

酉日當在十三日正與五日癸丑合是又一證也校訂

諫釋  
存疑

### 高陽令楊著碑

碑文從衰本摹錄行字數俱不可紀額題漢故高陽令楊君之碑九字篆書陽文石今毀

□□□□□□□□□□之情窮七道之

奠□綜書籍□□□賢任郡歷五官掾功

曹司隸從事仍辟大尉遷定穎侯相特以

儒學詔書勅留定經東觀順廟講止之指謁

歷世之疑天子異焉擢揀議郎遷高陽令



德以柔民刑以威姦是以勅庶愛若冬日  
畏如龜旻恩洽化希未基有成頌甫班麗  
方授銀符閭母氏疾病孝烝內發醪榮投  
黻步出城寺衣不暇帶車不俟駕載馳  
□躬親嘗禱追送會參繼迹樂正百行之  
主於斯為盛覆辟司徒舉□□治劇揀  
思善侯相遭認兄沛相憂篤義忘寵飄然  
輕舉位淹名顯□□敷聞于下宜幹而  
室位國輔臣上天不惠不我愁遺年五十  
有三□□□年十月廿八日壬寅卒凡百

隕涕縉紳催傷門徒小子喪茲師范悲將  
焉告叩叫穹倉感三成之義惟銘勒之制  
皆所已紀盛德傳無窮者也若茲不刊後  
哲曷聞故樹斯石以昭厥勲其辭曰  
廟諱乾鐘德于我揚君其德伊何如玉如瑩  
烝烝其孝恂恂其仁躬尚節儉□□□□  
□□□□□□□□文細紀典墓□□□□

右漢高陽令楊著碑首尾不完而文字尙可識云司  
隸從事定穎侯相最後為善侯相善上一字磨滅不  
可見蓋其中間嘗為高陽令而碑首不書最後官者



不詳其義也按楊震碑高陽令著震孫也今碑在震

墓側集古錄

右漢故高陽令楊君之碑篆額楊君名著太尉震之

孫常山相讓之子碑缺其名得之于震碑仕歷司隸

從事議郎高陽令思善侯相年五十三而卒石損

其年漢之王國相則秩二千石侯國相纔與令長等

耳思善者汝南之小國碑首題以高陽者葢爾國不

若壯哉縣也楊震碑亦稱著為高陽爾晉宣溫薦譙

秀表云敦在三之節李善引國語樂共子之言曰人

生於三事之如一謂父生之師教之君食之也漢代

銘誌類皆門人所立故用此語者頗多逢盛碑云感

激三成一列同義楊震碑云緣在三義一楊統碑云

追在三之分此碑云感三成之義三楊碑皆用之同

出晉語也詩以圻父作祈父此云順甫蓋又借用碑

未基為未昇驛榮投蔽為釋榮投絨師范為師範穹倉為穹蒼捧即拜字魏即秋字避即蹤字 隸釋

楊著碑篆額二行黑字碑十三行行二十八字穿在

第二字之下第七八行各空三字不書楊氏四碑并

陰皆作棋局之紋惟此碑微漫滅隸續

碑無年號其中云遭從兄沛相憂去官繼之以不惠

愍遺之語沛相以建寧元年卒考之長歷必建寧元



年也

漢隸  
字源

按此碑昶所藏宋拓本已被襄漢割損中間司徒  
舉下名顯下皆缺三格以碑式行數字數計之適  
當七八兩行卽洪氏所云第七八行各空三字不  
書者也著曾拜思善侯相而碑額及楊震碑止書  
高陽令者聞拜之後卽以兄憂去官故仍稱前職  
如韓仁遷槐里令而銘額稱聞熹長古人金石之  
例如此洪以小國大縣解之臆說甚矣後漢書郭  
躬傳弟子鎮以冒犯白刃手劔賊臣封定潁侯永  
建四年卒長子賀嗣著在桓帝時爲定潁侯相知  
郭賀以後尙有紹封者而史未之載也碑云詔書  
勅畱定經東觀順元卽之指蠲歷世之疑昶按石  
經立學水經注以爲光和六年後漢書靈帝紀蔡  
邕傳並以爲熹平四年隸釋云蓋諸儒受詔在熹  
平而碑成則在光和本此碑年月已泐然著卒與  
沛相同時定爲建寧元年無疑則所謂受詔定經  
者乃桓帝時事尙在蔡邕堂谿典等奏求正定六  
經文字之前可補范史所闕而著刊定之功亦不  
必在邕典等下也碑又云孝烝內發又云烝烝其  
孝語本尙書漢碑用烝烝者皆作蒸蒸惟此文作



烝耳高郵王君引之云堯典父頑母嚚克諧以孝烝烝乂不格姦傳云諧和烝進也言能以至孝諧和頑嚚昏傲使進進以善自治不至於姦惡訓烝爲進雖本爾雅然以烝烝乂爲進進治則不辭甚矣今案經文當讀克諧爲句以孝烝烝爲句乂不格姦爲句列女傳云舜父頑母嚚父號瞽叟弟曰象敖遊於嬖舜能諧柔之承事瞽叟以孝蔡邕九疑山碑云逮于虞舜聖德克明克諧頑傲以孝蒸蒸是讀克諧爲句以孝烝烝爲句也列女傳又云母憎舜而愛象舜猶內治靡有姦意是讀乂不格姦爲句也經云以孝烝烝烝烝卽是孝德之形容故漢魏人多以烝烝爲孝者陸賈新語道基篇虞舜蒸蒸於父母光耀於天地後漢書章帝紀陛下至孝烝烝奉順聖德和熹鄧后紀以崇陛下烝烝之孝宋意傳陛下至孝烝烝張禹傳陛下體烝烝之至孝馬融傳陛下履有虞烝烝之孝袁紹傳伏惟將軍至孝蒸蒸發於岐嶷張衡東京賦蒸蒸之心感物曾思躬追養於廟祧奉蒸嘗與禴祠蔡邕胡公碑夫蒸蒸至孝德本也朱公叔墳前石碑孝于一親蒸蒸離離續漢書祭祀志注引蔡邕議云



孝章皇帝大孝蒸蒸家語六本篇瞽瞍不犯不父  
之罪而舜不失烝烝之孝藝文類聚引魏弁蘭贊  
述太子表云昔舜以蒸蒸顯其德周且以不驕成  
其名曹植輦舞歌云古時有虞舜父母頑且嚚盡  
孝於田隴烝烝不違仁廣雅亦云蒸蒸孝也則知  
兩漢經師皆訓烝烝爲孝故轉相承用卒無異說  
也謂之烝烝者言孝德之厚美也大雅文王有聲  
篇文王烝哉韓詩云烝美也魯頌泮水篇烝烝皇  
皇傳云烝烝厚也皇皇美也王肅云言其人德厚  
美也相案此說極確法言云德諧頑嚚讓萬國夏  
侯湛鞞舞賦納和氣於兩儀兮克諧乎君臣足與  
列女傳相證又晉書孝友傳序閔曾翼翼遵六教  
而緝貞規蔡董烝烝宏七體而垂令迹溫嶠侍臣  
箴思有虞之烝烝尊成周之翼翼翼翼烝烝言其  
忠孝亦足與廣雅諸書相證皆王君所未舉者然  
攷史記酷吏傳吏治烝烝不至於姦黎民又安是  
以烝烝屬下句讀也楊孟文頌云清涼調和烝烝  
艾寧艾卽  
艾字是以烝烝又絕句也蓋當時師承非一  
故句讀各殊若是參攷衆說自宜以烝烝絕句者  
爲長此碑亦一証也



郭泰碑

碑高八尺四寸廣三尺  
三寸十二行行四十字

先生諱泰字林宗太原界休人也與先出  
 自齊周王季之穆齊魏赫者寔齊懿德文  
 王咨焉建國命氏或謂之郭即與後也先  
 生誕膺天衷聰睿明哲季及温恭仁篤慈  
 惠夫具器量廣深姿度廣大浩焉汪焉與  
 乎不可測已若乃砥節厲行直道正辭貞  
 固足以幹事隱括足以矯時遂季覽六經  
 探綜圖緯周流華夏隨集帝學攷文志之  
 鴻墜琢微言之未絕乎時纓綬之徒紳佩  
 之士望形表而景附聆嘉聲而韻和者猶  
 百川之過巨海麟不之宗龜龍也爾乃潛  
 德衡門收朋勤誨重蒙賴焉用祛其蔽明  
 郡聳德靈已備禮莫之能致群公休之遂  
 辟司徒掾又舉齊道皆以疾辭并蹈鴻厓  
 之遐迹紹巢許之絕軌獲區外以舒翼超  
 天衢以高峙稟命不蠲享奉四十有二以  
 建寧二年正月乙所交凡我同好之人永  
 懷哀悼靡所置念乃相與惟先生之德以



謀不朽之事，僉以為先民既沒，而德音猶  
存者，亦賴之。予見述也。今具如何，而闕斯  
禮。於是置碑表墓，昭銘景行，俾芳熒奮，予  
百世令章，顯于無窮。其詞曰：  
於休先生，明德通廟，講純懿，淋靈受之自天。  
崇狂幽浚，如山如淵，禮樂是悅，詩書是敦。  
匪惟撫華，乃尋厥祀，宮廡重仰，允得其門。  
懿手具純，確手具瑛，洋楫紳言，觀具高栖。  
遲泌正誥，誘能敦蒸，三事幾行，具招委辭。  
名貢保此，清妙降聿，不弘民斯，悲憫爰勒。

茲銘摘其光耀，嗟爾來也，是則是效。

介休縣有徵士郭林宗，宋子浚二碑。宋冲以有道司  
徒徵林宗，縣人也。辟司徒舉太尉，以疾辭。其碑文云：  
將蹈洪崖之遐迹，紹巢由之逸軌。翔區外以舒翼，起  
天路以高峙。稟命不融，享年四十有三。建寧口年正  
月丁亥卒。凡我四方同好之人，永懷哀痛。乃樹碑表  
墓，昭銘景行。云陳留蔡伯喈、范陽盧子幹扶風馬日  
禪等遠來奔喪，持朋友服。心喪期年者如韓子助、宋  
子浚等二十四人。其餘門人著錫衰者千數。其碑文  
故蔡伯喈謂盧子幹馬日禪曰：吾為天下碑文多矣。



金石錄卷三十一  
皆有慙容唯郭有道無愧於色矣

酈道元水經注

此碑在介休縣余邑人王正己曾爲其縣令余從其家覓一紙乃正己重刻者深恨不得原刻近有晉人爲余言舊石曾在一秀才極愛之每往碑下摩挲累日一夕盜碑昇去縣令無奈重刻一石以應求者後又磨泐而王正己再刻之秀才所盜之石竟不得出

異哉

石罍鐫華

林宗墓在介休縣驛路傍介休碑作界休

來齋金石刻考畧

天下碑錄云在汾州介休縣墓側又有郭有道碑云在太原府平晉縣蔡邕文并書在龍泉側按有道止

一碑此其誤也

按此碑久已不存歐趙亦未見隸

釋云凡歐趙錄中所無者世不復有之矣今林宗墓

側有一碑乃近人傅山所爲體旣杜撰跡復醜惡無

知者以爲中郎書爭相傳拓可笑也聞鄭盦又書一

碑與傅山並峙豈以傅山爲非其人而欲自擬中郎

也以五十步笑百步則何如

隸釋

按此碑今日所傳拓者凡有二本乃近人傅青主鄭谷口所重書字跡醜惡不足云矣愚所錄此本是乾

隆七年如臯姜任脩摹本任脩字自耘號退耕後有自識云予從寒山趙氏拓本摹得又摹北海孫氏所



藏石經殘碑得中郎筆法以吳炳補桐柏碑之例重  
補此碑或比近人傅山鄭簠杜撰者差勝云愚按是  
本以亨爲亨以邇爲隨以殷爲隱則皆見於劉熊碑  
者也以穡爲牆則見於石經論語者也又以權爲確  
以徧徠爲栖遲則皆見於婁壽碑者也劉熊碑世或  
傳爲蔡書亨邇殷三字洪氏亦嘗以假借釋之至婁  
壽碑則未有目爲蔡書者石經論語雖屬蔡書然穡  
權諸字則洪氏未嘗以假借釋之借非原石如此何  
以能闡合乎又或疑姜從隸辨摹入然若使從隸辨  
摹補亦焉能免參差集綴天吳袒裼之痕而予曾見

姜君所摹袁逢曹全諸碑手意莽鹵斷不能脫空摹  
擬而勻潔若此惟其不能自運是以筆蹤弱劣不稱  
漢碑骨格而要之典型具在非傅鄭二刻比也且其  
通體筆意與寒山趙氏所摹婁壽碑相似則其自出  
寒山諒非誑語矣 此本內以瑋爲緯顧南原隸辨  
之書不著于錄卽此一條亦見姜氏此本非從隸辨  
來也 此本及傅鄭二本並云年四十有二以建寧  
二年正月乙亥卒蔡中郎集則云年四十有三以建  
寧二年正月乙亥卒水經注則云年四十有二以建  
寧四年正月丁亥卒三處互異後漢書本傳云建寧



元年太傅陳蕃大將軍竇武為閹人所害林宗哭之  
慟明年春卒于家時年四十二考陳蕃竇武之死在  
靈帝建寧元年九月史不誤也然則林宗當生于順  
帝永建三年戊辰至建寧二年年四十二也惟是是  
年正月甲辰朔二月癸酉朔乙亥丁亥二日則正月  
皆無之若依水經作四年則其正月廿六日是丁亥  
然於史又不合是則所當闕疑者亦不得因有水經  
作四年而遽謂此本誤也 傳青主書此碑後有跋  
云此碑在南渡之前已不可見而今乃有藏此碑者  
吾從汾陽曹孝廉偉得一本不知近代何人補書陋



甚不知青螺公所嘗識以為漢碑者又何本也按此  
所謂青螺者郭子章也子章重刻郭林宗碑跋云介  
休王尹正已訪於汾故家得舊碑示余予近過許昌  
摹魏受禪文參之斯碑字體畫一其出蔡手無疑王  
乃命工鐫之貞珉据此云字體與受禪相類則是方  
整一種者矣此亦足證姜氏所摹之非無據也  
兩漢  
金石  
記

按太平寰宇記河東道汾州介休縣郭林宗冢在  
縣東南二十里周武帝時除天下碑唯林宗碑詔  
特留據此宜林宗之碑流傳最久乃自宋以來著





錄家皆未之及知此碑已亡于唐代或宋初矣今  
 所錄者乃明傅山所書刻於林宗墓側字迹醜惡  
 殊味古意 國初鄭氏篋亦有重書之本皆不足  
 觀翁鴻臚方綱云家藏別有姜任修本較傅鄭二  
 家頗有根据然姜子恭壽孝廉與昶善言及此碑  
 亦不信以為真也因其文尚與史傳及蔡中郎集  
 文選諸書有資攷證處姑著于編識者自能辨之  
 六經集作六籍隨集集作游集絕軌文選作紀軌  
 誤年四十有二集作四十有三凡我同好集選並  
 作凡我四方同好惟先生之德集作推先生之德  
 誤以謀不朽集作以圖不朽見述集作紀述樹碑  
 集作建碑奮于集作奮乎幽澹集作幽澹至赫字  
 漢隸亦有作焠者碑書赫赫二字為焠焠竟與美

字無異失古人省  
 文假借之旨矣







金石錄編卷十二終



金石錄編卷十二終





70042902



